




廣州府志

ル 5  
1212  
43





門 凡 56  
1242  
巷 49



廣州府志卷一百十九

列傳八 明 番禺

黎伯興 子永正 崇勅

黎瞻 孫密 從子紳 從孫天 性兆 族子崇 勤

壯猷 季父梁民 梁民子壯 壯子燦 燦子應垣 應垣子映 趙勲 子思謙 思基

陶鳳儀 大父魯 父荆民 子復 孫仲麟 來孫 陳其具 父吳賢

唐守勲 弟守明 守文 守謨 守敬 郭大治 子棐 槃

麥江 馬聰

畢烜 馮元 子順宣 族人繼科 思曾 思皋

蒙學之 子希夷 而鉞 梁津

曹諠 劉格 子克正 克修 克齊 克治 克平

林大典 父宗遠 子紹基 蒙詔

李時行

廣州府志 卷一百十九 列傳八

徐兆先

李价

林咸

李堯卿

陳大有

古文炳

王道廣

張于達

從祖紹

李鳳

崔大壯

族人栢

紹陵

知性

蘇黎庶

海瑞

張大猷

梁士楚

父學

子元最

鄭夢賚

梁栢

弟桐

杜漸

黃觀英

王中耀

楊茂先

孫邦翰

明

黎伯興字敬所番禺人

阮通志選舉表字作之

始祖本盛宋末為荊州

長史由雄州遷廣卜居市橋伯興少明敏有志操不與流俗伍銳志力學博究經籍正德十四年己卯舉于鄉授陸川知縣甫下車即訪奸蠹及土豪橫暴者置之法治化肅然擢南康同知郡有獄久不決委伯興鞫廉得縣受豪賄故坐平民狀其實上監司豪復以五千金啗伯興伯興叱之獄遂定擢兩浙都鹽運使議革病民陋規銀萬計與上官忤被論歸伯興所至以清慎廉正著聲愛民如子每解任咸流涕送之立遺愛碑祀名宦有詩文數卷燬于火子永正字樗村聰慧敦厚與人交無城府而寡迎送絕干謁取舍語默間常若凜凜篤學嗜古粵中紀載多經其校讐善書得鍾王法兼工篆隸諸體嘉靖三十四年乙卯舉人

據番禺志修

黎瞻字民仰遠祖宋南渡時由南雄徙番禺之板橋父麒邑

諸生瞻謹厚嚴重敏而好學嘉靖元年壬午舉于鄉初任尤溪縣教諭縣故下邑士風樸野不省四聲課以古文詞比對平仄尤士蔚然稱風雅十年分校江右鄉試尚書朱衡布政吳悌參議艾樸皆所拔士也衡筮仕亦官尤溪知縣凡政事得失民俗興革無不諮之十三年分校南京旋遷北國子監助教帝幸太學寵異諸國子先生令選博士爲御史瞻名第一以俸少一月辭不列名帝重其讓賜敕褒之擢順天府判釐別侵欺平斛量禁兜收宿弊盡革歲祿設法賑濟民有佛爺之稱遷府尹有勢家奴犯法當遣戍主者持之不聽卒抵以法同官宴會嚴嵩子世蕃在坐瞻以禮折之遂劾嵩怒嗾臺中撫劾之無所得乃止調判南昌府適丁外艱歸築室板橋蒔花釀秫不與世事服闋當起以高柄國無仕宦意曰

與南海何維栢順德歐大任同邑王漸達從化黎民表研究理學馳騁詞章故人有備兵嶺南者念瞻貧窶將解任以海舶引留贈值三千金瞻曰豈可從父母邦撓使者三尺乎却之年八十六卒有燕臺集一卷孫四宁穆容密俱諸生密字縝之最知名六歲而孤哀毀如成人及長侍祖瞻受章句過目卽成誦瞻老且病食非哺不咽寢非掖不起密左右牀褥間不倦又築蓼水居以奉母母有喘疾侍湯藥夜嘗十數起母卒年九十二密亦暮齒居喪骨柴立人稱其孝嘗遊四明六橋禹穴雲門與徐文長王伯長葛冰壺嚴魯孺沈禹圖輩交善廣購祕書以歸肆力于古問奇者每徵一事必詳語以姓氏音釋始末有寄重貲密家去而客死者召其子還之工詩古文詞著有籟鳴集將易簣呼子遂球書正字於掌而歿

密本諸生與祖瞻俱祀廣州鄉賢以遂球貴贈太僕卿遂球  
 別有傳瞻從子紳字言可嘉靖十九年庚子舉人負異才讀  
 書粵秀山師香山黃佐著有藥洲北園諸草從孫天性字少  
 賦苦學能文嘉靖四十年海寇入犯執其父刃之天性匿母  
 及弟他處趨賊所抱父慟哭吮其創謂賊曰甯殺我勿殺父  
 會鄉人逐賊父子相失天性意父入水沒水求父溺死兆鏊  
 字公咸萬曆三十四年丙午舉人羅定州學正擢荔浦知縣  
 遷蓬州知州有愧菴稿族子崇勸字賢之弟崇勅字銘之崇  
 勸萬曆二十二年甲午舉人三十八年以乙榜進士官交河  
 教諭操守廉潔未三月卒於官崇勅十九年辛卯鄉舉負經  
 濟才巡撫戴燿重之征欽州徭令贊畫軍務性亢爽不樂下  
 人監軍御史蔡夢說銜其抗禮揭之幾不免歸築文水居讀

書以終有集行世

據朱衡撰傳王師任撰傳廣州鄉賢傳陳恭尹撰傳番禺志修

陶鳳儀字瑞之其先鬱林人會祖成死倭難祖魯字自強廕  
 授新會丞時廣西徭流劫高廉惠肇諸府破城殺吏無虛月  
 香山順德間土寇蜂起新會無賴子羣聚應之魯召父老語  
 曰賊氣吞吾城不早備且陷若輩能率子弟捍禦乎皆曰諾  
 乃築堡砦繕甲兵練技勇以孤城捍賊衝建郭掘濠布鐵蒺  
 藜刺竹於外城守大固賊來犯輒擊破之天順七年秩滿巡  
 撫葉盛上其績就遷知縣尋以破賊功進廣州同知仍知縣  
 事成化二年從總督韓雍征大藤峽雍在軍嚴重獨於魯虛  
 已以聽輒有功奏擢僉事專治新會陽江陽春龍水新興諸  
 縣兵其冬會參將王瑛大破劇賊廖婆保等於欽化二州璽  
 書嘉勞明年偕參將夏鑑等連破賊首黃公漢於思恩潯州

未幾賊陷石康執知縣羅紳復偕鑑追擊至六菊山敗之兩  
 廣自韓雍去罷總督不設師臣觀望相推諉寇盜滋蔓魯奏  
 請重臣仍開府梧州遂為永制秩滿課最進副使兵部尚書  
 余子俊奏其撫輯勞資銀幣魯治兵久賊剽兩粵大者會勦  
 小者專征所向奏捷賊讐之次骨劫其鬱林故居焚誥命發  
 先塋戕其族黨魯聞大慟於是詔徙籍番禺按明史徙籍廣  
 東未言何縣南  
海志賜籍南海阮通志賜籍番禺考陳恭尹陶璜行狀黃番  
 禺人其七世祖魯三廣公卒葬郡北握山恭尹與璜厚善語  
 當補給封誥慰勞有加二十年以征荔浦徭功增俸一級又  
 九載課最進湖廣按察使治兵兩廣如故鬱林陸川賊黃公  
 定胡公明等為亂與參將歐磐分五路進討大破之毀賊巢  
 一百三十宏治四年總督秦紘遣平德慶徭進湖廣右布政  
 使魯言身居兩廣而官以湖廣為名於事體非便乃改湖廣

左布政使兼廣東按察副使領嶺西道事人稱為三廣公善  
 撫士多智計謀定後戰鑿池公署後為亭其中不置橋夜則  
 召部下計事以版度一人語畢令退如是凡數人乃擇其長  
 而參伍用之故常得勝算而機不洩羽書狎至戎裝宿戒聲  
 色不動審賊可乘潛師出城中夜合圍曉輒奏凱賊善偵終  
 不能得要領歷官四十五年始終不離兵事大小數十戰凡  
 斬馘二萬一千四百有奇奪還被擄及撫安復業者十三萬  
 七千有奇兩廣人倚之如長城然將兵不專尚武嘗言治寇  
 賊化之為先不得已始殺之耳每平賊率置縣建學以興教  
 化初為丞纔弱冠知縣王重勉之學遂請執弟子禮每晨授  
 經史講解而後視事後重卒官執喪如父禮資其二子又敬  
 事陳獻章獻章亦重之嘉靖初歿已三十載矣新會人思其

德頌於朝賜祠祀焉鳳儀父荆民宏治十一年總督鄧廷瓚請官之俾統魯所募健卒備征討乃授錦衣百戶是年魯卒荆民陳魯功進副千戶世襲後征雲中大同歷官懷遠將軍輕車都尉鳳儀能文章明法律有聲公卿間武宗晏駕廷議迎世宗繼統擇翰林院錦衣衛各一人先詣藩邸奉箋鳳儀與焉由此得眷賞卹刑雲南多所平反奉使朝鮮遺贈無所受犒軍九邊却常例折席銀一萬兩帝以爲廉歷陞指揮同知加賜一品服前後管廠務持正不阿存活甚眾中貴人方士犯法賄賂請托一不爲動廷臣以言獲罪者必百計保全之御史何維栢劾嚴嵩被逮發錦衣衛杖一百在廷畏嵩無敢救者鳳儀方掌衛事密諭行杖者曲護得不死卷以席從後渠私載而出嵩黨百餘人持短杖至門問何御史所在報

曰何御史既死棄去矣嵩黨大索無所得維栢竟免久值禁闈思避權姦以母老再疏求還鄉詔許馳驛奉母歸里有司歲給月俸兩遣內使存問前後所賜有御書堂聯寶劍蟒服玉帶御用瓷器各物賜母鄭淑人金帛錦絮杖異數也居十年丁母憂哀毀骨立未幾卒賜祭葬子復襲官勤慎有功歷陞錦衣指揮使掌衛事孫仲麟以錦衣僉事恤刑廣西道卒五傳至孫壯猷以錦衣千戶扈從至桂林歿於王事鳳儀季父梁民備邊大同死事贈宣威將軍上騎都尉其子壯擊甯夏戰沒贈廣威將軍上騎都尉以弟益之子燦嗣襲指揮僉事禦倭厓門有功封宣武將軍騎都尉燦子應垣授武德將軍驍騎尉應垣子映御營副將奉國將軍據明史金府志番馬志修陳其具字才南大嶺人父吳賢字乾及吳元弟也宏治二年



已酉舉人官臨江通判擢漳州同知攝郡事判官臨江時甯藩宸濠為虐歲發米千艘與民貿易強索重價富戶苦之吳賢請于兩院改諸道運次民以為便及莅漳州開元寺僧私置腴田既卒其徒訟而爭之吳賢籍其田以奉朱文公祠祀並贍諸生之貧者歷官朝列大夫著有在臨在漳稿其具弱冠以儒士領嘉靖四年乙酉鄉薦中乙榜授武甯教諭嘗刻文公家禮以正俗逐奸僧以除異端陞昌化知縣未任丁父憂服闋補湖廣鍾祥丁母憂去起補福建連城酌田糧均徭役雪冤抑化爭訟與諸生講明正學士民翕然信之年五十乞休歸與劉模岑萬龐嵩何維栢諸人四仲月為天關大會發明聖賢心性之旨又為粵山詩社生平敦孝友嚴義利之辨所著思誠日錄讀易疑義并文集十卷時稱為有道古

儒據郭通志阮通志修

趙勳字彝伯宋支裔先世自金陵戍廣東今為番禺人少秀

整頎碩長好學博通經史歐大任撰傳弱冠補郡學諸生督學憲副歐陽公鐸蕭公鳴鳳巡按

御史蘇公恩咸器重之嘉靖七年戊子舉人二十年銓授江西瑞金知

縣瑞金為贛小邑鄰閩之汀州使傳旁午供給繁苦泰和安

福勢豪多以寄庄優免土著民久患差役貧不堪命勳申請

均徭始得蘇息節浮費興學校瑞金素乏科名生員戴汝器

從勳受經遂中式龍南信豐飢殍載道奉檄往賑全活甚眾

兼權他邑事一如瑞金江西巡撫張岳巡按魏謙吉文章薦

之先是安遠有黃鄉洞賊路通閩廣萬山巖險征剿莫及葉

氏世統其眾軍門奏給千夫長印羈縻之二十四年冬千夫

長死妻曾氏代主洞事二子幼其姪葉經糾眾剽掠提督南

贛都御史虞守愚奏征之爲賊所敗一千戶一縣丞死焉賊勢張甚於是兵備副使薛甲謂守愚曰事迫矣非趙瑞金莫辦此賊募府召問方畧曰賊方銳戰必敗也今聞賊亦自困且厭其首亂者可往諭使自縛守愚壯而遣之挾四小隸單騎入洞賊初未信露刃夾道擁視勳推誠慰撫會氏相率跪服手縛經及拒捕者數十人以獻餘黨悉降勳諭會氏曰官軍征汝奏聞於朝今雖縛姪而二子不詣軍門何以稱效順會氏卽出二子付之曰二豎子之命在公矣曰二子卽吾子也當是時諸邑聞瑞金縛賊且得會氏二子懽呼道路遂以二子入軍門觀者萬人無不稱快守愚不待奏報卽以便宜赦會氏二子送郡學觀禮勳再入洞築城寨設巡司而黃鄉賊無不樂業者是役也不餉一軍不廢一矢百年通誅一旦

歸命幕府奏功諭賞守愚特疏薦焉二十六年選授南京四川道御史舊規內守備太監守備國公不理世務惟人命賊情許兵馬司引稟時漸不如制且役辦無名竊盜攀指最爲民患勳疏五事禁無名之差役革官司之借辦罷竊盜之工價嚴巡捕之考覈省引稟之煩勞世宗下其奏南京守備諸司爲之斂戢武職犯法憲臣窮治波及無辜幾至激變事聞覆議勳參鞫之懲其首惡餘皆薄治帝允之遷山東按察僉事巡東兗濟南二道執法詳明存心忠厚齊魯之間稱明決焉歲大飢人相食巡視拯卹不遺餘力豫檄州邑告賑卽發不待報可民賴以生者萬計三年以憂歸不復出遺集五卷藏於家勳爲知縣爲御史皆以能名而按察尤有聲五十懸車論者惜其位不究德云

歐虞部集余爲諸生時趙按察以御史歸見泰泉先生先生方授余

經離席立侍先生顧趙按察曰御史好官須做好人趙按察盤辟伏對曰敬授教袁參議者分宜氏婿也與按察舊同官強之起曰君但行外舅必能為君地久次可中丞也子思謙按察謝曰君意良厚第煙霞已癖夢不到長安陌矣

郡諸生積學守禮思基嘉靖四十年辛酉舉人南京訓導擢

知浙江定海縣為政廉明善釐風弊吏胥無所容其奸去之

日民閉城留之信宿車不得行據獻徵錄歐虞部集浙江通志修

麥江字廉泉嘉靖七年戊子舉人知興甯縣周慎精明新庠

序勤考課重修雲蓋山八角臺諸生貧而失配者為昏娶行

取大理寺評事復知彬州據湖南通志修

唐守勳字允懋家貧力學志向端謹嘉靖十年辛卯鄉薦督

撫以學行延主嶺表書院講諸生多成材二十三年甲辰登

進士知閩縣舊例歲收綱銀以支公費不足則預徵民甚苦

之守勳裁革浮允樽節出入積有餘羨適值荒歉民獲樂生

外艱服闋補任貴溪邑無城郭寇至率民兵禦之擒渠魁而

還鄰縣安仁民有爭訟守勳受委往勘兩造乃平撫按交薦

遷南京戶部主事歷郎中倭寇屢至客兵行糧悉善經畫三

十八年擢興化知府衝炎就道卒於贛州年四十九守勳善

於交友業師湯朝達之弟鬻其祖宅守勳聞之還其券不索

原值同年孫學古令東莞卒於客邸躬治其喪助之殯殮善

詩文有集藏於家弟守明字允道敏達有大度嘉靖二十五

年丙午舉人三十八年選臨江府通判府當衝要民多頑悍

守明端已秉正嚴法剔蠹民不敢犯有永泰埠民四十餘家

被誣為盜按臺屬之鞠審一訊立白其冤時稱神君攝萬載

里胥賞緣為奸守明使民徑自輸納糧乃盈額上稱其能時

嚴嵩當柄使者絡繹往還道出臨江守明獨無所餽樟樹鎮

貨藪也嚴氏僕欲縮其利權當道或懲憑之守明不少撓劇盜流劫郡邑突入清江城中無備瑞州界有柯家兵者勇敢善戰守明募千人激以義咸勇往效死遂擒賊數百餘皆遁去倭寇浙直調兵備禦比還主將撫輯無方四出剽掠及新淦守明擊走之撫按交薦其才未幾以病免家居孝友執二親喪哀毀盡禮事伯兄守勲如嚴師撫諸姪如己子又讓其居於弟守謨鄉族稱焉子世延醇雅有文能亢其宗弟守文嘉靖三十一年壬辰舉人福建壽甯知縣守謨守敬亦庠序有聲

據歐虞部集黃通志  
粵大記番馬志修

馬聰字桓威少穎悟一覽成誦嘉靖七年戊子舉人署福建古田教諭以師道自任諸生有不率教者危坐告誡得喻乃已修古田邑志去取允協為督學田某所獎未幾卒於官諸

生親為沐浴含殮聰性孝友念祿不逮親遇有甘食好衣輒淚下事兩兄尤謹孫夢吉仕至福建興化知府

據郭通志修

郭大治字思道少警敏稱聖童言動必稟諸道早年父被誣構下請室號哭泉庭三日月夕泉使與語才之出其父時湛若水倡道東南遊其門相見恨晚嘉靖十年辛卯舉於鄉再會試不第以親老為萍鄉教諭邑士故椎魯鮮學乃嚴為程督郵貧警竄士風丕變督府張岳標其學行曰江右學式嚴嵩子弟豪橫一鄉大治繩以法嵩銜之七年不調父喪哀毀幾絕徒跣三千里扶櫬歸葬祭一式於古服除令虞城庠士貌祀之轉浙江新城職冰蘖務撫字有兄弟訟田者開諭數言相讓而退辨誣枉保全良民數十家儲糗糧餉軍境內不擾新人士以為二百年未有此廉仁父母也鄰邑有舉大魁者

將治第市材新城其僕倚勢給直什不二三大治置尤桀黠者於法上官顧切責大治遂拂衣歸沒祀萍鄉名宦廣州鄉賢子棐字篤周亦師若水弱冠由南海儒士舉嘉靖二十八年己酉鄉試四十一年壬戌成進士番禺志主者擬鼎甲為權相沮授戶部主事改禮部會穆宗卽位次日御札出封七夫人棐納還力諍曰方今先帝廟號未尊中宮母儀未正而遽有此舉何以示天下事得寢輔臣高拱專權為時指摘閒語棐曰人言相度可操舟如太橫何棐應聲曰儻其橫不能容更願相公廓度拱滋不悅棐以祖母年老請歸養因疏陳十事如設史局官錄于謙後進薛瑄陳獻章從祀孔庭皆見納以數忤當路出知夔州府夔土巖瘠棐務課農養士為根本計作仰高夔龍二書院選郡邑之儒躬督教之兩校蜀閬所得皆知名士

晉湖廣屯田副使攝蘄州道有柯賊數千為梗總督陳瑞欲殄滅之棐力言不可願身往計獲首惡餘黨解散往來興國間數經張居正家不投一刺萬厯五年改四川提學時當國者方嚴功令督行汰士法棐守正不阿掄選公明居前矛者學士范醇敬輩登鄉會榜幾三百人皆屈指豫定人服其藻鑑梁山通判某杖斃生員李夢祥巡撫力護之棐按法不少貸因得罪去十一年抵京相國申時行余有丁皆棐同年雅欲推轂而棐每見輒進規諷由是失二相意除廣西左江副使至則平象州洛容等亂修柳慶賓象四學宮旋遷湖北參政歲饑糴穀萬石以賑繕武夷龍陽沅江等邑隄六千餘丈計擒苗賊楊廣和等一方獲安秩滿轉山東憲使值倭亂棐計畫防守全齊晏然陞雲南右布政攝行堂事滇人苦師旅

及貢金棊平丁苴戢緬寇疏罷增貢金二千兩為閣部所抑  
不得上聞二十三年大計乞休詔晉光祿正卿致仕家居十  
年卒棊孝友公忠家無餘積然建祠睦族周急郵難則竭力  
為之性不喜聲色講學論文垂老不輟所著有粵大記嶺海  
名勝記廣東四川通志夢菊全集齊楚滇蜀諸稿行世弟槃  
字樂周嘉靖四十年辛酉舉人倅岳州岳枕洞庭萑苻曠莽  
槃畫防江十策置兵艦嚴哨捕地方賴以無警以兄棊分守  
湖北改延平首重儒教次編保約督倉儲嚴侵漁鋤積猾部  
使嘉之移知桂陽州值荒旱屏騶從躬自察覈出俸賑荒全  
活甚眾萬厯二十三年覲還以勞瘁卒著有明霞阮通志番禺志作霞  
谷桂華稿四儒粹語三禮纂要等書據阮通志南海志番禺志修  
謹案阮通志云南番二志并載郭氏父子粵臺徵雅

錄以為棊本籍南海先世家番禺郭志棊所修亦稱  
父番禺人明本題名錄則大治番禺人棊南海人是  
籍南海者惟棊郝通志俱列南海誤矣

蒙學之字念常宋朝奉大夫甄之後弱冠補郡諸生會新建  
三水縣因充三水學嘉靖十年辛卯舉鄉試二十三年謁選  
為瑞昌知縣民悍而健訟一訊立決數十年積案無留滯歲  
飢發賑有法全活萬計又新學校以誨士南海志簿書之餘  
子析疑所司按部屬邑率有私餽學之獨持正郝通志及遺  
辨難空匱應之日吾民菜色未蘇吾何忍竭膏血以奉上官哉逾年調昌化昌化隸杭州山間  
徭役偏重乃均之以甦疲困郵糧長之苦分里甲催徵民便  
之有富商干重譴夤緣得輕貸竟論如法忤權貴挂冠歸畫  
陶靖節像置精舍中以識景仰居家篤倫理睦婣族為教家

俗說二卷以誨子姓郭通志生平孝友一弟相從七十年煦煦不衰士論多之暮年與劉

素予諸人結社坡山談詩講學不倦年八十一卒子希夷庠

生而鏊由三水學舉萬曆七年己卯鄉試官蘇州同知而釗

庠生據阮通志修

畢烜字彥晦畢村人今屬花縣讀書一覽輒記嘉靖十年辛卯舉

人十一年進士戶部主事年甫二十請歸畢婚未幾卒嘗念

郡北諸山繇巨數邑地皆荒僻議於了髻山下請設州治又

以獅嶺司地歲常苦旱欲開河百里以便灌溉當時事不果

行後立邑竟如其議據郝通志修

梁津字濟甫早失怙篤志向學不以空匱為累入郡學為科

試文字類國語西漢督學田汝成置之首選謂曰奇氣逸發

當顯名天下子必勉之遣從前輩遊益知勵津有至性事母

以孝聞三弟皆庶母出時在襁褓庶母素悍盡奪財產以私

其子津畧不介意撫之益厚嘉靖十三年甲午舉鄉試第一

二十年辛丑成進士授刑部主事迎母就養以學行改吏部

持清操杜私謁時大璫麥福最寵幸以同鄉求見津善辭之

不與納交福服其素履亦不加害循資當轉文選副郎同僚

有越次營求者津即讓之曰典選重務子寡陋且多病兄才

望宜補眾皆服其量卒官年三十五母哭之慟亦卒聞者傷

之冢宰聞淵素重其賢憫其貧苦率僚屬致賻差鴻臚寺官

護二喪以歸據黃通志修

馮元字大本龍灣人少奇穎師香山黃佐嘉靖十六年丁酉

舉於鄉二十年辛丑成進士官金谿知縣邑有豪猾擒置之

法散白蓮邪教火其居某橋下有縊死婦莫知主名元晨起

視事忽五葉自空墜心異之禱於神得夢因占曰得非有葉  
五者殺婦乎果推得之一訊即伏人稱神明官五載謝病歸  
後起歷南昌金華二府教授遷國子博士擢南京戶部郎中  
致仕里居二十載不履城市築峽西書院種竹其中自號竹  
亭著有天文邃體詹詹草諸書子順宣字子謙性高潔不輕  
上刺州邑舉隆慶四年庚午鄉試有里人梁瑞鸞等冤陷重  
辟順宣傾身營救事得白活十餘人由教諭歷知石首德安  
晉路南知州所在有聲而屢抑於讒左遷晉王府長史拂衣  
歸卒年八十四祀鄉賢順宣子挺衡別有傳族人繼科工詞  
賦知建陽縣勤於吏事以循良稱思曾字紹貫萬曆四年丙  
子舉人令建安多寬政民悅之然不樂吏事甫一載即謝去  
民泣留不得入里門家人驚問始知其致政歸卒年七十八

思泉邑諸生有學識達治體嘗論屯營馬政人皆稱之據番禺志

林大典字秉彝官堂人性孝友嘉靖元年壬午舉人知浙江  
開化縣開化聯絡三省民氣悍戾四方亡命嘯聚萬山中積  
黨至八千餘人盜開銀礦肆抄掠邑中奸民輒與通大典至  
率民兵捕之盜拒捕戕及門隸大典不為動卒平盜踰年值  
積雨平地水深四五丈漂流民舍大典百計拯溺復發粟以  
賑潦後復繼以大旱民益惶懼大典上疏自劾且乞免租稅  
疏曰為地方極重災傷乞請蠲恤并賜罷黜以懲不職以蘇  
民困據開化縣里老蔡允祥等呈稱本縣自初春入夏連雨  
不止至六月初五忽然山源漲發衝崩城垣侵入本縣頃刻  
之間平地水高四丈將縣治學宮布按分司倉庫廩舍卷冊  
并沿溪一帶民居房屋田地悉皆堆塞漂溺人口不計其數  
或一處千烟僅存數屋或一家數十口止餘一二丁或夫在  
而婦亡或父存而子歿室廬田產蕩析無遺近水者水衝為  
淵近山者山崩為阜死極可哀生猶無告等因惟照本縣介



於萬山之中地瘠民貧粵自正德八年兵亂之後死亡相屬  
乃今陰雨作沱屢月不息三衢正當浙水上游而縣又屬源  
口諸山對峙蜿蜒夾溪容受無多蓄洩不易是日暴漲初生  
登城四顧浮屍敗屋轉流蔽江冤號之聲播聞水上當即重  
募民夫儘力撈救橫流浩渺勢莫可迴道臣率僚屬親自沿  
勘一但見溪流易故邑里為墟沙積滿前田疇失處然此特沿  
大旱禾稼黃萎濕熱交蒸瘟疫更作煙火幾絕雞犬不聞老  
少提攜環臣呼泣臣對之唯有涕淚長潛而已詢之土著僉  
謂有縣以來未嘗有此大變臣經申達上司乞加賑濟竊思  
水旱疾疫三者有一已為不支矧今田廬漂沒家已無歸疾  
盜賊又其勢所必致者也只今最急惟有免糧臣查正德年  
間湖州水災該本布政司議將本府并金華等府官折借派  
俟豐熟之年照舊派還後該金華府永康等縣奏行本布政  
司已歸遂成故事見該老人蔡允祥等奏行查處如蒙聖慈  
假不歸遂成故事見該老人蔡允祥等奏行查處如蒙聖慈  
曲加憫念乞敕戶部將本府該本年歲糧特加蠲免仍行浙  
江巡按御史查撥湖州府借派官折歸還本縣將各淤塞田  
地酌量輕重免其差科分派折色庶民有更生之望地有再  
闢之民將來無復生之會矣况湖之與衢腴瘠不同貧富遠  
甚彼時借派蓋為權宜就使不災猶須改復况今重傷之後  
取其時固派者乎再照臣菲才儂事積愆致災平時既失消

取其所固派者乎再照臣菲才儂事積愆致災平時既失消  
彈臨事但知陳乞庸妄之罪自分無所於逃伏望皇上將臣  
罷黜以為不職之戒別選賢能以蘇民困庶幾災變可弭地  
方亦永賴矣除將被災緣由申呈巡按衙門委員覆勘  
分數另行奏報外臣不勝激切為民戰慄待罪之至 又倣  
宋人救荒法導利緩征省刑弭盜廟學城垣衝塌者捐俸修  
之又置鐘鼓樓民得以工就食曠盜乘荒復集大典密部兵  
民盡覆之士民感其德為立祠以祀庚子赴京師會有忌之  
者遂乞老歸從湛若水遊未幾疾卒於家年六十有七 據龐  
墓志采 訪冊修

曹誼字口仕廣西田州府經歷丁憂家居寄寓南海之佛山  
時大盜黃蕭養作亂誼與居民李福全李善祥簡彥文倡義  
立三大鎮以保障一十三村賊來輒攻之復自備船械率丁  
壯隨同官軍殺賊布政使揭稽嘉其勞績激勸之 據南海  
蒙詔字廷綸父宗遠少習法律為文無害以三考授靈川典

史有擒寇築城功民爲立祠兄諫戶部郎中詔弱冠舉嘉靖十九年庚子鄉魁四十一年壬戌成進士授行人選監察御史條奏興革事宜多見採納命巡歷延慶宣大疏禁橫恣宗室以正紀綱核功實賞格以弭宿弊陳兵食六事以固邊防刊百戰奇法一書以訓營伍轉差浙直督運漕糧節省條議十事深切利弊出按福建貪吏望風解綬典試棘闈所拔皆英俊隆慶三年冬以前治漕功加俸一級擢浙江副使歷參政按察使左布政使奉宣德意不釐法紀久任兩浙政聲茂著萬曆五年冬入爲都察院右僉都御史提督南贛汀韶軍務凡地方利病皆以聞威望益重山寇屏息三省之民賴之以被論歸杜門養母母近百歲詔歿哭之哀亦卒有司爲立百歲坊表之著有奏疏十卷文集八卷子紹基大理寺評事

奉命撫賞宣大致仕卒

據郝通志阮通志修

劉格字豫誠宋哀然十世孫性至孝幼而父歿哀毀幾滅性弱冠舉嘉靖十九年庚子鄉試四十一年謁選授六合知縣清慎勤敏百廢具舉徐國公家僮鎖禁平民格杖而戍之間中丞擒江盜數百疏皆抵死格廉其枉者數十力爭之不少屈時稱強項令操江都御史欲腹削沿江官軍格不阿承調信豐會雩都縣以丈田激變督府殷從儉三遣官弗能定格往片言解散首惡伏法從儉疏其能留雩都而信豐士民請還益力未幾從儉去長沙李棠來代譖言先入徙荆府審理正歸與何維栢講學天山書院萬曆五年卒年五十九祀信豐名宦及鄉賢祠所著性說致知說翊善論大倫圖說多發古人所未發子克正克修克齊克治克平克正字懋一少穎

悟隆慶元年丁卯舉人五年辛未進士

郭通志主司張居正奇其文擬魁天下後

置第六時論惜之

改庶吉士尋授檢討奉命冊封靖江王餽遺無所

受修兩朝實錄成賜白金文綺會父喪歸哀毀踰節服闋入

京抵維陽疾作還次真州卒年三十七克正質敏才茂詞賦

為丁士美諸大綬輩所推嘗作越裳白雉賦世競傳之克修

字少已有文行萬曆十年壬午舉人連江教諭擢判大名府

廉介敏練直指使重之委以簡閱邊關軍實嚴清弊蠹置飢

法者於憲兵將皆畏服視內黃篆值蝗雹為災抗稅璫減加

賦疲困獲甦遷海州知州以母老乞歸卒年六十四克齊廩

生克治早工文賦督學郭子直陳鳴華皆稱賞以選貢終著

有述征草二十卷五芝樓稿三十卷綠綺堂稿二十卷訂初

學記三十卷許氏說文十二卷克平尤穎悟弱冠廩於庠工

詩古文詞善六書擅花卉巡撫劉公命作仙鶴賦大嘆獎以

謫仙目之總制陳公屬訂修許氏說文初學記諸刻克平放

於才亦多慷慨脫一材官大獄不令人知友人蔣不任客死

為葬於父墓側歲時祀之後兵憲李公聘修石室志溽暑中

感疾卒年三十七

據阮通志修

李時行字少偕先世河南祥符人宋嶺南安撫使慕陶其初

祖也南渡時隸籍邑之菱塘父聞韶好義樂施官楚府紀善

時行早穎悟甫弱冠補諸生為督學田汝成所賞及試時行

作書擬戾太子辨江充奸益奇之謂當魁天下嘉靖十九年

庚子舉於鄉二十年成進士明年授浙江嘉興知縣地當津

要多官族難治時行更盤錯若不勞力諸忤法者悉捕治之

有勢家子睚眦殺人覆案得實竟伏法民有訟兄析產多自

與者驗其券即令更相授各俯首慙服御史行部至交章薦於朝二十三年徵授南兵部車駕司主事同官忌時行名騰飛語中之不能自明遂拂衣起結方外之士嘗陟天目覽西湖遊天竺下會稽探禹穴南登虎邱東歷泰山西上匡廬發胷中幽藏形諸聲詩以散其孤憤激昂之氣歸而杜門讀書凡六籍百家逍遙漁獵廣購法書名畫暇則披圖長吟以自遣湛若水黃佐倡學東南時行先後及門多所述作於郡西郊築浮邱草堂北城開別業題曰小雲林仍扁曰青霞洞天嘯咏自如冲冲乎若與世相忘也四十四年仲子奇萼入太學時行扁舟與俱由吳越歷燕趙齊梁謁孔林登太白樓久之始返著有駕部集雲巢子天求子癯瘠子四方傳誦天性孝友父友鄧欽不能自存獨厚遇之隆慶三年卒年五十六

嘗與歐大任梁有譽黎民表吳旦等結南園詩社世稱後五

先生文徵明謂其文章法漢魏古詩法顏謝歌行法李杜絕

律則又取裁沈宋王孟諸大家咸超詣人品云據龐尚鵬撰傳番禺志駕

部集序修

徐兆先字履漸嘉靖十九年庚子舉人知桂陽縣為政平易

崇學校朔望講書士心激奮開三瀧之險辨礦砂之妄建倉

儲粟立關以詰奸民感德之陞荊州府通判祀名宦據彬州志修

李价字少藩少穎異嘉靖二十三年甲辰鄉薦二十六年丁

未進士從黃佐講學務反躬復性不事空言二十七年知當

塗縣却饋賀絕供億嚴鎖鑰謹浸潤俸直之外一介不入俗

尚逢迎地當衝要百費交集或不愜意輒歎曰今之所謂良

吏古之所謂民賊儻徇時好其如此心何壹意休養終歲省

民財數千而公事悉舉獄中大辟囚惟四人辨而出其二二  
 十八年委勘災田蠲民租十之四賑饑均役惠及逃絕撫按  
 屢薦擢戶部主事里耆李鏗等馳金至采石為舟車費謝却  
 之留靴而去當塗縣志云為政專尚寬簡禮賢敬老周郵無告尤加意庠序士民皆愛服焉三十一  
 年改吏部稽勳司主事歷考功員外郎兩經察典俱以才行  
 列上考三十六年四月丙申夜三殿災欲上封事為親知所

附粵東文海載劾嚴高父子十罪疏曰臣惟古稱盜  
 沮臣不過培克聚斂股民之生爾未有竊政柄以行其私者  
 也即或有之猶以時當季世身據要職未有聖明在上乃敢  
 憑藉父權公肆無忌者也臣觀大學士嚴嵩之子工部左侍  
 郎嚴世蕃其古今之大盜天下之元兇乎高一介書生存至  
 幸輔秉軸將二十年世蕃以高故躡貳諸孫皆受顯職凡  
 諸臣論列其私者屢蒙聖恩保全天下皆稱皇上待臣有禮  
 而高父子不能報之以忠嫉正愈深飾惡愈甚外似恭順內  
 懷奸欺此人心所共憤也通者倭虜外侵大工內作致厘宸  
 慮發財濟邊而逮治其誤事者恤軍止役以備操練天下皆  
 感皇上憂民深切而高父子不能將順其美黨庇邊臣洩漏  
 機密善則歸己過則歸君此人心所共憤也今四方災警屢

見疆圍日棘土風大乖兵財俱困實高父子致之而嵩之惡  
 則世蕃導之也世蕃才辨足以愚其父機械足以濟其奸嵩  
 惑聽之一任所為公私之權盡附其手求官者曰與小兒言  
 稟事者曰看小兒意熱柄所歸人知有嵩父子而不知有國  
 法畏世蕃而不畏嵩罪狀多端不可枚悉臣姑舉其大槩及  
 前諸臣所未盡者為皇上陳之天下大政屬於部院所謂股  
 肱之臣為朝廷理政安民者也世蕃何人操進退之權徇好  
 惡之私往往假手票旨顛指科道去其不附己者而用其私  
 人即今諸司擢一官行一事上一疏無不稟取成算窺測意  
 尚世蕃首肯乃敢達嵩嵩無異詞然後敢塵睿覽稍有違忤  
 動遭罪戾仗天語以飾私假鷹犬以害物雖君子可証為小  
 人即賢智莫逃其陷竄百官畏之若雷霆彼亦待冠裳如屬  
 吏專橫不忠之罪一也受職枉法有絞斬之條今內外臣  
 僚上自尚書總兵下及文武庶職一陞一留無不輦貨其家  
 而後得致使文選職方不致公道薦一人朝廷用賢之地乃  
 為私家充橐之資籍世蕃之粟可倍太倉之積籍世蕃之財  
 足供朝堂之費雖戶工二部開例納銀不若世蕃家日入之  
 多也貪濫不忠之罪二也昔沈鍊之論嵩也蒙聖恩謫發口  
 外為民蓋寬貸之以全其生嵩惡其攻已也潛令總督楊順  
 誣以通虜而殺之是聖明所宥之人嵩必致之死地而後已  
 此世蕃主之也又楊繼盛之戮也皇上怒其冒引二王而正  
 其罪非為其論嵩也世蕃揚揚自得謂此是樣子以箝天下  
 臣口挾國憲以張已威是誠何心哉驕肆不忠之罪三也宋  
 臣呂蒙正作相朝士朝之日此子亦參政耶蒙正佯為弗聞

人服其量向年嵩入西苑有小吏旁私毀之嵩聞大怒欲即  
 具疏世蕃止之囑巡風長隨奏其乘醉罵人奉旨打五十棍  
 發南京打更其人竟斃杖下莫敢上聞世蕃詣父直所帶領  
 跟隨數十人內官竊語云禁地豈宜如此世蕃怒而陰害之  
 亦不免於笞撻禮人臣不敢齒國君之路馬况天子之內臣  
 乎一有觸犯必欲仇而害之是蒙正能容一朝士而嵩不能  
 容陛下一內臣內臣象示警占云大臣庶政可知矣狠傲不忠之罪  
 四也臣聞去歲天象示警占云大臣庶政可知矣狠傲不忠之罪  
 明察也召欽天監官怒詰之曰大臣是何人監官不敢答此  
 其自知罪惡貫盈猜疑內發欲為掩蔽護飾之計天文昭昭  
 不欲監臣據實疏聞則各衙門事體可知矣奸詭不忠之罪  
 五也人臣事君猶父子事父之非其親知之人為聖明所拔  
 猶是也嵩不能然凡在廷臣工非其親知之人為聖明所拔  
 用者嵩則妬恨忌怒百計排之如翰林檢討毛起會以邊事  
 偶蒙召問嵩置銓曹中外皆稱得人嵩浮躁譎官故吏部尚書李  
 默皇上簡置銓曹中外皆稱得人嵩浮躁譎官故吏部尚書李  
 令趙文華誣其罪幸賴聖明洞察不即戮之猶得卒命固  
 固此皆世蕃之謀欲大小諸臣無一人而非其黨也媚嫉不  
 忠之罪六也國家設給事中御史本以糾察奸佞杜漸防微  
 世蕃恐其攻已也指使吏部將剛方之士以糾察奸佞杜漸防微  
 黨充軀者數千少者亦不下數百南北科道各有差等是以  
 此職多者數千少者亦不下數百南北科道各有差等是以  
 近年言官率多庸懦乖僻之徒其雄險不肖者且感恩為之  
 羽翼不三四載輒望京堂詔傳營求無復廉恥豈肯復言其

過哉致使審謂之士多出部司之臣其故可知也彼猶不忠  
 之罪七也自古小人固寵之計交結欺蔽二端而已嵩當堯  
 舜之世乃敢仿效為此凡皇上起居食息喜怒語默嵩父子  
 無不知之而嵩父子之奸慝隱情則未有為皇上言者南北  
 邊報不經一覽而御前每先詢之世蕃以爲進止致使遠方章  
 疏未報經一覽而御前每先詢之世蕃以爲進止致使遠方章  
 敗壞以避禍此豈人臣所宜有哉邪險不忠之罪八也惡莫  
 大於欺君去年浙江總督胡宗憲誘賊首汪某入城時同黨  
 葉碧峯猶在海上人皆知之宗憲具揭帖私報世蕃遠欲藉  
 此邀功代爲草疏謂二人俱已就擒奏下中外皆訝宗憲之  
 狂妄而不知世蕃之說所爲也軍情至重乃敢於數千里外私  
 代上封大明律官員說謊者斬臣請問世蕃今葉碧峯安在  
 欺罔不忠之罪九也人臣無私交自古朝廷之患在於朋黨  
 朋黨一固雖有大姦極惡人主不得而聞今世蕃結親暱以  
 腹心託同鄉爲手足置庸軟人主不得而聞今世蕃結親暱以  
 黠醫術於左右爲過錢之媒日相聚會或代致賄賂之便任巧  
 酒食或訪察人情或商權私密效殷勤示肺腑於嵩父子之  
 間豈復知有公義哉動庸私文武重臣皆勤事皇上左右者也  
 凡義能報主力足詰奸者世蕃皆強與結親攀援瓜葛豈不  
 知嵩父子之必敗哉畏威懼禍強應目前爾臣策諸臣之心  
 皆如日月之明即皇上試問之必不肯以私親而代爲曲庇  
 計似猾而實愚矣黨比不忠之罪十也十罪有一已於國法  
 不容况日積月累非臣可以蓋貪毒填胸壞紀綱而不顧城社  
 一日留一年則害政一年蓋貪毒填胸壞紀綱而不顧城社

負固犯眾怒而不憂威勢既歸黨羽日盛眾言難入父寵不衰小人得此亦何所不至哉臣若不言恐無復言者矣伏望皇上首將世蕃明正其罪置之法典以為人臣欺主誤親之戒然後勒嵩致仕全其始終則虞舜之去四凶復見於今日矣故大學士楊士奇先朝一名臣也其子益稷居家害人為鄉人所奏蒙英宗皇帝逮之至京正以大辟而遣官賜敕慰諭士奇當時謂待臣之仁去惡之公為兩得之今嵩之賢不及士奇而世蕃之惡浮於益稷豈容逃聖世之誅哉古人云見無禮於其君者如鷹鷂之逐鳥雀也臣竊祿郎署因病乞歸羸削日深洪恩莫報竊睹嵩父子懷奸負國心實念之伏枕自計與其幸終戶牖無補於世孰若捐軀殉義為明主去一壬人猶足効涓埃於萬一也臣知拙直孤忠不足勝嵩父子之巧辯睚眦所及害臣命如反掌所賴者聖明照臨幽伏無隱察巨奸釀禍之迹鑿杞人憂國之誠早賜宸斷以答天冒天威無任戰慄隕越待罪之至

書止之三十七年晉稽勳司郎中宿疾復作乃告歸踰年卒

年三十七其清操為一時之冠云

據黃通志修

林咸字季虛官塘人嘉靖二十二年癸卯舉人從遊草堂講學由尤溪教諭擢知惠安縣嘉靖三十七年倭寇惠安居民

僅九百家倭四倍之咸晝夜登陴率民死守誓與城存亡有越城者手斬之懸首竿上馘賊七十餘級賊急以呂公車來攻咸製敵棚三座外施絮被內藏銳弩火鎗拒守五晝夜賊引去已復至咸擊之鴨山窮追逐北親冒矢石馬陷泥淖中死之巡按御史樊獻科為文致祭比諸張睢陽顏常山贈太僕寺丞賜祠子肖吾廕監後倅江南廣德州

據明史黃通志福建通志郝通

志番周志修

李堯卿字唐馮幼好學卓犖有大志執親喪水漿不入口者七日三年衰經不去體督學魏校甚重之嘉靖二十二年癸卯舉於鄉三十五年授甯德知縣百廢俱舉惠政大行民被客戶侵漁堯卿悉其病移文逐之置桀黠者於法值倭寇不靖堯卿以甯當其衝先事戒嚴聚芻峙餉修城濬隍練兵飭

器堅壁清野亡何倭果擁眾萬餘入寇堯卿提戈披戎衣為

士卒先倭知有備解圍去家傳三年考滿將遷上官留之會

卿赴之而倭犯境居民潰散按樊獻科駐節建甯察郡吏堯

守獻科壯而遣之兼程三晝夜達縣時三十八年四月初五

夜也招集居民設守初九日賊至憚其聲不敢攻十一日十

三日連遇賊皆不攻問守者官何人曰廣東賊曰廣東人清

正我不攻向賢令君借路耳先後去時城中守禦勢甚壯而

甯德城多衣大紅是何統兵官又云雲霧蒙蒙父老德堯卿

兵士甚眾時本春晴賊顧見之如此以為神助

赴軍門上其勞績軍門檄獎之四十年秋晉處州同知倭款

至繞城三面攻之凡數日堯卿躬督戰大小凡數十合家傳

堯卿以秩遷可去曰吾去誰與守先是堯卿練兵魏鍾等四

百人最驍健賊畏之不敢近後上官移鎮建甯奪其兵賊遂

乘虛來犯堯卿與參將王夢麒誓死守賊有張車登陴者堯

卿手刃之凡六七八人飛血淋漓衣甲皆赤有言逃者立斬之

城中力竭外援不至倭攻圍轉急堯卿度不支解印付家童

馳省會會颶風大作藥焰漫城城遂陷堯卿揮劍斬倭數十

人死之家傳時十月二十二日也夢麒亦死之踰時狀聞贈

太僕寺丞子翁齡蔭國學生據阮通志何維栢李

陳大有石樓人由南海學舉嘉靖二十二年癸卯鄉試四十

二年知仙遊縣時戚繼光已破倭還浙而新倭至陷興化明

年二月圍仙遊民驚思遁大有令敢踰垣者斬賑窮乏分部

伍簡精銳晝夜巡緝縋死士斫賊營相持五十餘日繼光兵

至敗賊於城下又追敗之王倉坪斬首級數百餘多墜厓谷

死存者奔漳浦繼光分五哨追擊之倭出海去著有保障錄

巡城方畧傳於世子汝紀汝維俱庠生據福建通志

古文炳字懋選傍岡人嘉靖二十二年癸卯舉人三十二年

癸丑進士以名節自勵與人交無偽語自號誠菴筮仕會稽

知縣有政聲士民輯保障錄頌之又祀於前令張鑑祠名曰



雙清尤精校閱首拔羅萬化張元林後俱大魁擢刑部主事  
歷正郎善決疑獄理冤枉出知南甯府奉公持正惜費宜民  
時有土酋以罪繫獄賂數千金祈免文炳執法不貸未幾卒  
於官會稽南甯並祀名宦據郝通志 番禺志修

謹案文炳與海瑞交最深其家祠流芳堂扁瑞所書

也文炳卒後子渾然扶柩回粵葬於庄邊紅旂岡葬

畢隨瑞遷瓊州墳缺修久矣同治十二年族孫古為

徒等始捐修置祭田歸族中祭掃焉

王道廣番禺志選 舉作黃誤字平軒嘉靖二十二年癸卯舉人隆慶間

任廣南知府廉靜不擾民蠻相安據阮通志雲 南通志修

張于遠字鴻與市橋人從祖紹字述古永樂十八年庚子舉

人知北流縣以賢能稱不徇請託翰林蘇葵撰墓志紹少超 適有披青雲捧白日之致

及其六載政成解組而歸又 所謂知止不殆知足不辱也于遠少聰敏日誦千言善屬文

弱冠舉嘉靖二十二年癸卯鄉試又十年癸丑成進士知武

昌縣擢浙江司主事署員外郎出知台州廉介不阿門無私

謁別奸伸枉政聲甚著及謝歸行李蕭然琴書而已著有省

菴集據番禺志修

李鳳字鳴岡其先大庾人父賢始徙籍番禺生三子長鸞字

鳴漢嘉靖二十年辛丑進士戶部郎中次鸞鳳其季也少從

鸞學終身執弟子禮二十五年丙午舉於鄉三十二年癸丑

成進士知蕭山縣鋤豪強薄刑罰新學校以振士風嚴禁溺

女公均輸之法頌聲載道調餘姚著禦倭功入為大理評事

庶獄稱平考最遷登州知府地瀕海饒於魚鹽歲羨數千鳳

一切却之陞貴州兵備伸威振紀邊圉肅然擢廣西參議歷

福建按察使廣西左布政使所至不索民間寸香片蠹以見  
忌權貴喉科臣論其老罷歸官居二品產業不足餬口而訓  
家甚嚴僕從衣服稍麗必痛責不貸兄子良柱有異姿鳳嚴  
誨之萬曆二十二年甲午成進士為廣西參議先卒子二良

植良楷皆庠生據阮通志霍尚守撰傳修

崔大壯字純理員岡人嘉靖二十五年丙午舉人官永州甯  
遠縣奉文清丈民田均攤糧稅減去永樂等鄉堆糧流民復  
業咸感德立祠後知枝江縣轉榮府審理歸二十餘年卒年  
七十七族人栢字以修先大壯三年癸卯鄉舉由乙榜進士  
為建昌教諭擢知甯都州有政績歿祀甯都名宦紹陵字以  
昉少穎悟家貧力學嘉靖三十四年乙卯鄉舉年二十四卒  
知性字彥覺萬曆四十三年乙卯舉人歷官南安府推官漳

州府同知行府事楚王府長史所至人稱崔青天歸築讀易

齋吟咏以終據永州府志崔弼游甯草番周志修

蘇黎庶嘉靖二十五年丙午舉人知大田縣時兵禳之後招

撫安輯賑民課士完城塹創敵樓政化流行部使者疏其賢

超擢廣西平樂府同知據福建續志修

海瑞字應麟一字汝賢由瓊山籍按瑞撰梁百揆墓志云瑞

意昔年旋里過沙菱間故舊又乞終養疏云臣原廣東海南  
衛籍番馬縣人梁雲龍海公傳云瑞上世未詳國初以軍功  
世廣州衛指揮舉嘉靖二十八年己酉鄉試梁雲龍撰傳有  
某者隸籍番馬舉嘉靖二十八年己酉鄉試諱寬者領鄉薦  
知閩中縣事即瑞大父廩生翰即瑞父也生而秀挺稍知識  
直欲學聖賢居室間人所易忽瑞獨謂此正君子造端之道  
位內位外飭已刑家一切男婦禮嘉靖丙午督學林某廉其  
處伯仲媼媼肅坐立跪拜惟禮嘉靖丙午督學林某廉其  
行誼大加獎賞適出婦某訟瑞且誣裝資林某詰問以出妻  
令其可嫁對至所誣裝俱不辨惟貨償而已林益重之己酉  
督學察某試題有不日白乎之句手瑞卷珍翫移時因詢瑞  
隱事歎曰茲所謂涅而不緇者耶乞終養疏甫四歲父瀚

不幸早世時母謝氏年二十八誓自礪守入都即伏闕上平

勉針黹紡績資之育臣教臣致有今日

黎策欲開道置縣以靖鄉土識者壯之署南平教諭御史詣

學官屬吏咸伏謁瑞獨長揖曰臺謁當以屬禮此堂師長教

士地不當屈遷涪安知縣布袍脫粟令老僕藝蔬自給

歲邑也地瘠而民嗇所產茶竹杉栢無他物且重屋復嶂民

易逃匿山下田畝悉歸右姓窮民卒歲不粒食又當新安下

諸官舫日五六至夫役迎送費不可支瑞觀民窮慨然思拯

之初入署例有燕第以祀神性草草治具召丞尉學官弟子

者老以次列陳所為奉法字下意甚悉度田定稅不使貧富

得上下其手官署中有隙地課老僕樹禾麥藝蔬芥日夕取

自贍自江水外 總督胡宗憲嘗語人曰昨聞海合為母壽市

肉二斤矣宗憲子過涪安怒驛吏倒懸之瑞曰曩胡公按部

令所過毋供張今其行裝盛必非胡公子發橐金數千納之

庫馳告宗憲宗憲無以罪都御史鄒懋卿行部過供其甚薄

抗言邑小不足容車馬懋卿恚甚然素聞瑞名為斂威去而

屬巡鹽御史袁涪論瑞及慈溪知縣霍與瑕與瑕尚書翰子

亦抗直不諂懋卿者也

王宏誨撰傳時相嚴黨鄒某以都御

史制入省議政出行部張甚諸縣道

咸盛供張為敬懼失其意公挺然不為動至按

其生事者聞於鄣而置之法鄣貌喜而心銜之

與通判坐謫興國州判官久之陸光祖為文選擢瑞戶部主

事時世宗享國日久不視朝深居西苑專意齋醮督撫大吏

爭上符瑞禮官輒表賀廷臣自揚最楊爵得罪後無敢言時

政者四十五年二月瑞獨上疏曰臣聞君者天下臣民萬物

之主也其任至重欲稱其任亦惟以責寄臣工使盡言而已

臣請披瀝肝膽為陛下陳之昔漢文帝賢主也賈誼猶痛哭

流涕而言非苛責也以文帝性仁而近柔雖有及民之美將

不免於怠廢此誼所大慮也陛下天資英斷過漢文遠甚然

文帝能充其仁恕之性節用愛人使天下貫朽粟陳幾致刑

措陛下則銳精未久妄念牽之而去反剛明之質而誤用之至謂遐舉可得一意修真竭民脂膏濫興土木二十餘年不視朝法紀弛矣數年推廣事例名器濫矣二王不相見人以爲薄於父子以猜疑誹謗戮辱臣下人以爲薄於君臣樂西苑而不返人以爲薄于夫婦吏貪官橫民不聊生水旱無時盜賊滋熾陛下試思今日天下爲何如乎邇者嚴嵩罷相世蕃極刑一時差快人意然嵩罷之後猶嵩未相之前而已世非甚清明也不及漢文帝遠甚蓋天下之人不直陛下久矣古者人君有過賴臣匡弼今乃修齋建醮相率進香仙桃天藥同辭表賀建宮築室則將作竭力經營購香市寶則度支差求四出陛下誤舉之而諸臣誤順之無一人肯爲陛下正言者諛之甚也然媿心餒氣退有後言欺君之罪何如夫

天下者陛下之家人未有不顧其家者內外臣工皆所以奠陛下之家而磐石之者也一意修真是陛下之心惑過於苛斷是陛下之情偏而謂陛下不顧其家人情乎諸臣徇私廢公得一官多以欺敗多以不事事敗實有不足當陛下意者其不然者君心臣心偶不相值也而遂謂陛下厭薄臣工是以拒諫執一二之不當疑千百之皆然陷陛下於過舉而恬不知怪諸臣之罪大矣記曰上人疑則百姓惑下難知則君長勞此之謂也且陛下之誤多矣其大端在於齋醮齋醮所以求長生也自古聖賢垂訓修身立命曰順受其正矣未聞有所謂長生之說堯舜禹湯文武聖之盛也未能久世下之亦未見方外士自漢唐宋至今存者陛下受術於陶仲文以師稱之仲文則旣死矣彼不長生而陛下何獨求之至於仙

唐少府志 卷一百一十九  
桃夭藥怪妄尤甚昔宋真宗得天書於乾祐山孫奭曰天何  
言哉豈有書也桃必採而後得藥必製而後成今無故獲此  
二物是有足而行耶曰天賜者有手執而付之耶此左右奸  
人造爲妄誕以欺陛下而陛下誤信之以爲實然過矣陛下  
又將謂懸刑賞以督責臣下則分理有人天下無不可治而  
修真爲無害已乎太甲曰有言逆於汝心必求諸道有言遜  
於汝志必求諸非道用人而必欲其唯言莫違此陛下之計  
左也卽觀嚴嵩有一不順陛下者乎昔爲同心今爲戮首矣  
梁材守道守官陛下以爲逆者也歷任有聲官戶部者至今  
首稱之然諸臣甯爲嵩之順不爲材之逆得非有以窺陛下  
之微而潛爲趨避乎卽陛下亦何利於是陛下誠知齋醮無  
益一旦翻然悔悟曰御正朝與宰相侍從言官講求天下利

害洗數十年之積誤置身於堯舜禹湯文武之間使諸臣亦  
得自洗數十年阿君之恥置其身於皋夔伊傅之列天下何  
憂不治萬事何憂不理此在陛下一振作間而已釋此不爲  
而切切於輕舉度世傲精勞神以求之於繫風捕影茫然不  
可知之域臣見勞苦終身而終於無所成也今大臣持祿而  
好諛小臣畏罪而結舌臣不勝憤恨是以冒死願盡區區惟  
陛下垂聽焉帝得疏大怒抵之地顧左右曰趣執之無使得  
遁宦官黃錦在側曰此人素有癡名聞其上疏時自知觸忤  
當死市一棺訣妻子待罪於朝僮僕亦奔散無留者是不遁  
也帝默然少頃復取讀之日再三爲感動太息留中者數月  
嘗曰此人可方比干第朕非紂耳會帝有疾煩懣不樂召閣  
臣徐階議內禪因曰海瑞言俱是朕今病久安能視事又曰

朕不自謹惜致此疾困使朕能出御便殿豈受此人詬詈耶  
遂逮瑞下詔獄究主使者尋移刑部論死獄上仍留中戶部  
司務何以尚者揣帝無殺瑞意疏請釋之帝怒命錦衣衛杖  
之百錮詔獄晝夜拷訊越二月帝崩穆宗立兩人並獲釋帝  
初崩外庭多未知提牢主事聞狀以瑞且見用設酒饌款之  
瑞自疑當赴西市恣飲噉不顧主事因附耳語官車適晏駕  
先生今出即大用矣瑞曰信然乎即大慟盡嘔出所飲食隕  
絕於地終夜哭不絕聲既釋復故官改兵部擢尚寶丞調大  
理隆慶元年徐階為御史齊康所劾瑞言階事先帝無能救  
於神仙土木之誤畏威保位誠亦有之然自執政以來憂勤  
國事休休有容有足多者康乃甘心鷹犬搏噬善類其罪又  
浮於高拱人韙其言歷兩京左右通政三年夏以右僉都御

史巡撫應天十府屬吏憚其威墨者多自免去有勢家朱丹

其門聞瑞至黜之中人監織造者為減輿從瑞銳意與革請

濬吳淞白茆通流入海民賴其利獻徵錄吳故有松江滙震

已為湖鬻淤為陸瑞斥羨募工乘輕素疾大戶兼井力摧豪

舟躬督舂錘開濬之不旬月而成強撫貧弱貧民田入於富室者率奪還之徐階罷相里居按

問其家無少貸下令飈發凌厲所司惴惴奉行豪有力者至

竄他郡以避而奸民多乘機告訐故家大姓時有被誣負屈

者又裁節郵傳冗費士大夫出其境率不得供頓由是怨頗

興都給事中舒化論瑞迂滯不達政體宜以南京清秩處之

帝猶優詔獎瑞已而給事中戴鳳翔劾瑞庇奸民漁肉縉紳

沽名亂政遂改督南京糧儲瑞撫吳甫半歲小民聞當去號

泣載道家繪像祀之將履新任會高拱掌吏部素銜瑞并其

職於南京戶部瑞遂謝病歸萬厯初張居正當國亦不樂瑞令巡按御史廉察之御史至山中視瑞設雞黍相對食居舍蕭然御史歎息去居正憚瑞峭直中外交薦卒不召十二年冬居正卒吏部擬用左通政帝雅重瑞名畀以前職明年正月召爲南京右僉都御史道改南京吏部右侍郎瑞年已七十二矣疏言衰老垂死願比古人尸諫之義大畧謂陛下勵精求治而治化不臻者貪吏之刑輕也諸臣莫能言其故反借待士有禮之說交口而文其非夫待士有禮而民則何辜哉因舉太祖法剥皮囊草及洪武三十年定律枉法八十貫論絞謂今當用此懲貪其他規切時政語極剴切獨勸帝虐刑時議以爲非御史梅鵬祚劾之帝雖以瑞言爲過然察其忠誠爲奪鵬祚俸帝屢欲召用瑞執政陰沮之乃以爲南京

右都御史諸司素媮惰瑞以身矯之有御史偶陳戲樂欲遵太祖法予之杖百司惴恐多患苦之提學御史房寰恐見糾摘欲先發給事中鍾宇瀆復愆恩寰再上疏醜詆瑞亦屢疏乞休慰留不允十五年卒官瑞無子卒時僉都御史王用汲入視葛幃敝簏有寒士所不堪者因泣下醵金爲斂小民罷市喪出江上白衣冠送者夾岸酌而哭者百里不絕贈太子太保諡忠介瑞生平爲學以剛爲主自號剛峯天下稱剛峯先生嘗言欲天下治安必行井田不得已而限田又不得已而均稅尙可存古人遺意故自爲縣以至巡撫所至力行清丈頒一條鞭法意主於利民而行事不能無偏云所著有備忘集瀆安政事稿行世

據明史郝通志修

張大猷字元敬負才名嘉靖三十一年壬子解元三十五年

丙辰進士工部主事治徐州河有功

郝通志徐州人德之後謫

判外郡

郝通志以忤權貴調判鄭州又判復疏漕河利病甚

悉疏曰臣前疏兩河源委復條具開塞方法一時意見雖橫  
事觸於衷然天下事遠度預設勢難周悉必須親履歷臨  
雖智如大舜亦且盡況於眾言淆雜臆見糾紛若不信而事勢  
能奪物數所必至也今之眩惑何者謂其理有所可自然而事勢  
故道此在歐陽修言之施於有宋已歷可驗殊不知當宋之  
時鼎都於汴河患南徙不患北嚮且魏博商胡之口開塞止  
於東行雖處有絀曲抵掌可信要其歸趣則直洩於清源天  
津之墟而止爾若今則與宋大異蓋河所必行之道所必啟之  
則徐浦蕭錫之間皆其下流為大河所必行之道所必啟之  
口茲欲排阻以衛其旁溢之勢為之疏濬深廣以順其就下之  
性為之地賈至所謂順之使行不塞一漕流終無定處不知指  
其汎濫聽其博洽則河水終無歸一漕流終無定處不知指  
何處為新渠何處為故道乎且河水平衍泥必日高盡徐浦  
矣此乃塞其口扼其勢必速乎濟甯臨清汪萬頃莫却紀極  
歐陽之舊章而束手無策希圖苟且了事待命於天受事於  
河則浩蕩無情之水膠滯積之泥日月相乘南北大壅漕  
河終為梗塞矣其何時可已乎又謂南行則恐犯祖宗陵寢

此議乃前任河南都御史臣方純刑部侍郎臣吳口言之誠  
為有見然據地勢則前所決者異乎今日是以昔所論者不  
可概於茲時蓋前時河決止在上流而議者猶欲南開趙皮  
賽孫家渡二處新河以殺水勢此乃揜之使就濠毫淮泗之  
中是以二臣之疏力為遏阻所以為當若今則在徐浦之地  
乃東過蘭陽南離蕭縣而雲龍保安諸山嶙峋砥礪巨聳其  
南况水勢北汎東行南徙與昔所決曹縣殊異而今之指以  
為論者直驅東陸行預計路衢之曲折而實未嘗睹記其所  
歸駐及其所勢便也夫地勢有遠近漕渠有輸納欲一律而  
勉合之豈理也乎前疏所指自司家道口以下為南直隸山  
東之境自此以東南北兩岸皆無高隄大壘之防是以水勢  
至此奔蕩靡定而流不歸漕今若南隄以去徐浦直瀉而無有  
則水由中行同條共貫攢合專一日見其湍衝直瀉而無有  
於橫潰日見其旋幹深入而無有乎積聚去徐州則東行而  
無阻抵運河則南折而不礙矣所以然者蓋徐州黃河之所  
必由水下之所必至合則不分分則不合南則北關係兩河權  
輿比之宋時魏博大有不同者也且大司空親蒞其事國漕  
之所不可少緩軍需之所必資者今且一切拘攣無措既知其  
力役之不可已又不如其緩急修治之方因復過信舊聞以  
泗獨無見乎國朝邱濬謂宋元地勢相去不遠其塞築疏濬  
尚可尋議此誠識時務之言也今若當塞不塞則換散無統  
當濬不濬則淤壅愈甚當開不開則淤高亢其勢必決於上流不  
蕩而不止矣由是積久泥多下流高亢其勢必決於上流不



北而清濟則南而汴梁北上清濟則盡委於天津兩洪俱涸而漕挽不繼此可慮也此二害者皆由前二說以誤人而實沿乎多議也且水之所流散行則平漫專合則深濬今幸宋時都沛前後築河南一帶南北兩岸隄防嚴謹復歲有管河之官下掃壘臺是以盡河南之境無崩潰之患實今日之利也惟出河南之境至於南直山東之地則棄之為澳壤置之不聞聽其馳驟副使僉事力職於簿書兵防洪閘主事謹守於期會歲挽至於御使之在濟者陸遷更迭地方廣遠無由稽作而河之隄徙又在於咫尺之地瞬息之頃是以終無救藥而卒至於大壞也若使徐州山東之界盡如河南故事及時隄防相地則河流會聚至於境山矣奚有今日之患哉是故今日之急則蕭錫豐沛之間築隄最緊疏濬次之廣大以容其流會合以專其勢庶幾其可也至於所用之器物所支之錢糧所需之人夫所圖之利害則臨境而議方畧又不盡於茲云臣以前疏畧盡形勢恐羣疑之未晰致大役之廢弛河流竟無歸一國漕莫由通濟則廟堂之南顧臣之勞止蓋未艾也是以再為訂解以備體訪匪敢自為信然以求邀功於旦夕也伏惟陛下繼體開基振肅百度謨烈宏拓永奠烝民則此洪水橫流乃堯之所憂而以昇之舜裁眾言之消蒙旨批部一時旁午未經議覆而先帝賓天事寢不行此實天心欲平治天下有待於陛下也臣微官疏遠然以前備員

河道知之甚詳伏遇大聖大智有如陛下臣既言於前而默諱於後是臣之罪愈重也謹再開具詳其始末題上伏乞陛下俯念微臣之愚衷博問萬民之陷溺上念國漕之大計遠慮久安之鴻猷下臣前後所議同爰咨度詳覆施行則億萬取之矣臣不勝倦倦之至  
**嘗謂文大成於司馬靡於班而壞於韓作文章源委二篇何鏗序而傳之終雲南督學僉事**  
郝志性豪放仕宦十載囊橐蕭然而貧交付之舉火有友人遣女資裝不辦以告大猷大猷曰第飲即辦趣家人治具悉座上蓋竿及幃褥贈之  
據郝通志修

謹案阮通志云郝志作順德李溪陂人今花縣考李溪陂舊屬番禺郝通志誤

梁士楚字思立員岡人父學字壯行穎悟誠篤從陳元誠遊私淑於魏校弱冠補諸生第一清嚴自律動必由禮盛暑不扇未嘗岸幘座右置周程所著書及近思錄釋其旨趣灑然自得居與陳恆所謝虛白相鄰二十餘年無戲謔語大母壽

百齡二親皆八袞能盡色養庭闈雍穆築室榜曰靜虛取有主則虛無欲則靜之義於黃灣構亭架橋橋成大雪因號雪橋與隱君七人為泉石交人以八仙目之士楚夙負壯猷嘉靖三十一年壬子舉人麗水教諭遷知詔安縣時倭寇方張山海賊並起詔安以孤城界閩廣備寡民無恃士楚至合四都四關民練之得兵萬二千餘人會惠安令林成甯德令李堯卿先後敗歿四面城鎮悉陷詔安愈危學聞募死士馳書激厲士楚且賦完節詩以壯之士楚感奮守禦益固屢以計斬獲倭寇而山賊鍾旺雷晚香等咸就撫又撫海寇吳平令還所掠婦女二萬餘口後朝廷以平罪大不赦命戚繼光討之平恨為士楚所誑大合黨攻詔安士楚親出擊却之俘賊五百餘度其復至設伏以待復大敗之既而合繼光軍破斬

平散其餘黨會學卒以憂去服闋補福建練兵僉事轉巡視海道陞貴州參議分守思仁帶管川東湖北撫苗地諸苗方互煽士楚解而攜之遠近歸服闢土田通交易苗地遂成樂土條便宜十餘事請於巡撫行之未幾調簡歸士楚有武畧好謀能斷居官忠慎泣下以寬繼光嘗曰士楚用兵英武皆由善教得民非繼光所及其推重如此所著有木灣集沿海要害圖說卒祀名宦子元最萬曆三十七年己酉舉人著隱

園吟草

據阮通志福建通志番禺志郝通志粵東詩海修

鄭夢賚有至性幼能養親嘉靖三十四年乙卯舉人為福建宗安教官勤學善誘兩臺交薦陞邵武知縣鄭春等作亂連黨數萬建議勦除夢賚單身入寨諭以順逆春等相率降餘黨未從者計擒之六載考績耆老士庶詣闕乞留得旨留任

一年加五品服俸晉秦州知州時開鑿漕河墳墓以數萬計貧者捐俸給助使遷善地功成未及陞擢遽卒世咸惜之據

通志

梁栢字挺豫蕭岡人性孝友嘉靖三十七年戊午鄉薦官合州學正入為國子監丞歷戶部主事郎中督鳳陽糧儲出守貴州都勻府勤撫字除巨猾遠人以安屢有璽書金帛之賜乞骸骨歸鳳陽及都勻人尸祀之並祀南京國子監名宦祠栢弟桐亦博雅遭父喪兄弟哀毀母病桐欲割股栢抱持之杜門潛心性理之學方伯胡心得學士趙志皋顏其廬曰崇德曰百順著有續近思錄徐國公奉旨徵為留守司教辭不就據阮通志

杜漸字晉夫汀根人性穎悟博涉羣籍嘉靖四十年辛酉鄉舉仕靖州學正地雜猺苗土習樸陋導以經術彬彬向風擢知江華為政廉靜長厚不務赫赫名而循聲益著邑故有暖谷吳望冬冷歌父諸山漸見鎖鑰不完建鎮華二樓以補其闕暇輒登眺吟咏居三載告歸宦橐蕭然與士大夫結社城南五仙觀當道造請悉謝絕所著有南歸續稿星臺赤幟和陶楚游等十餘種卒年九十御史曾陳易誌其墓子資元邑諸生據番禺志

黃觀英以賣菜為生事母至孝年四十不娶人勸之曰不欲分母食也每晨出預具溫湯候母起或食時不及爨則在市肆具精飯雜以魚肉奉母而後自食果蔬之屬必擇其美者進之以為常比母卒始娶妻舉一子尚書湛若水恆給之粟有司表其廬萬歷初年卒布政鄒善葬之北郭樹碑焉據通志

王中耀字稚韜憲使原相次子少穎悟膂力過人鬚髯如戟初補諸生屢薦不售棄而就武中萬曆四十年壬子科武舉任廣州府前衛指揮僉事四十二年安南寇瓊州制府商周祚奏請募勦中耀應募往招勇敢士三千人與寇大小十餘戰擒斬二百級授樂定營守備寇屢敗乃設伏偽退中耀乘勝窮追匹馬陷伏死之四十三年二月初七日也事聞贈明威將軍

據采訪冊修

楊茂先字孺培父紹震弱冠登嘉靖十三年甲午鄉薦上公車沒於京師茂先稍長即能讀父書嘉靖三十四年乙卯舉於鄉初授福州府推官執法無所縱撓而意常近厚癸酉與闈試所得皆名流既而守西粵之上思州多善政平寨有功

尋轉滇中郡丞未赴官歸不復出性嗜吟詠著有草元居集子應聘南工部尙書郎孫邦翰以弱冠成進士孫改之曾孫雲龍俱以弱冠同領鄉薦茂先為福州司理時祀名宦邦翰後為太守閩人尤思之

據張府志修以上番禺

南海李徵爵分纂

南海梁起初校

番禺金佑基再校

番禺史悠泰三校

順德羅槩四校

廣州府志卷一百十九終

廣州府志卷一百二十

列傳九 明番禺

李讜

高為表

崔振臬

謝與思

父元光

曾陳易

劉景辰

父應鵬

兄拱辰

馮應京

曾士懋

韓上桂

弟翰

子騏超

駿超

衛琛

謝天貺

蕭穗

王命卿

崔奇觀

黎崇宣

劉如性

李惟鳳

潘梧

孫雲衢

雲銜

李化龍

梁棟隆

廣州府志

卷一百二十

列傳九

梁挺

蕭嗣立

杜夢龍

趙龍

黎遂球

弟遂琪 劉師雄

陳際泰

梁朝鐘

馮協颺 陳學佺

梁萬爵

韓乃聰等

李豫新

弟豐新

施輝然

兄焜然等

梁與臺

謝獎

子鵬萬 弟彝

衛冕

屈士焯

弟士煌

馮挺衡

何昌戴

羅賓王

李雲龍

子雲子 龍子

李成憲

謝長文

黃兆成

彭孟陽

子鈺

王邦畿

黎延祖

弟彭祖 族人啟明 王書 彭齡

王鳴雷

父者輔 凌騰龍 李果卿

曹麟

龐倬

區科同

方國驊

梁啟運

區熙

羅定材

鍾國寶 張子虬

潘紹霖

明

李韡字鄂先番禺沙灣人有至性生母以廢疾去韡泣請於父歸之事二母如一隆慶元年丁卯舉於鄉官太倉州學正晉南甯府推官疑讞立剖尤善處人骨肉民僉願得李使君質成至此於張釋之遷判甯國府嘗行府事兼攝所轄諸縣事條議悉中擢知全州調停均節民皆稱便以艱去全人碑之服闋補歸州升臨安府同知專職銀場懲侵漁革乾沒弊實悉清南詔荒遠等威翫弛撫滇者議輯經制以肅之委韡裁定旋以監軍平巨寇既縣其地而新化有積寇執州官據

險以叛韓督農氏軍討之一鼓擒獲論功入覲除武定知府府原土改流田分公私而水利不入民韓疏通均平郡人賴

焉尋卒

據番禺志修

高為表字正甫禮村人性端莊寡言笑弱冠由南海學舉萬曆四年丙子鄉試選滄州學正遷國子博士翰林劉生中沈灌朱之蕃皆出其門晉刑部主事讞獄淮陽多所平反以憂去服闋改戶部歷員外郎中出知袁州府時嚴嵩黨誘潘璫開採銀礦為表力陳利害事遂寢舉先正陳重祠以風世設秀江文社以課士三年政通人和尋入覲乞休年僅五十家居詩文自娛與人恂恂無疾言遽色食不兼味衣必布褐泊如也直指督撫疏薦不起著有榆枋齋集田間彙稿嘗修邑志卒年八十一兄為儀萬曆十年壬午舉人

據南海志番禺志修

崔振臬萬曆四年丙子舉人初知懷遠縣調補象山政平訟簡不事苛察小民戴若慈母值海上戒嚴訓練士著葺除戎具立備勁弩千餘分給守陣者躬賈勇為士卒先孤城恃以無恐嘗刻王文成年譜以興起多士左遷去歷官襄府審理

據阮通志浙江通志修

謝與思字見齊市橋人父元光字于宰嘉靖三十四年乙卯舉人官新昌教諭擢知永甯有善政民製甘棠圖頌之升廣西上石西州知州奉命籍權貴忤上官罷歸與思聰慧倜儻萬曆七年己卯舉於鄉八年成進士弱冠未婚詔賜金絲燈籠歸娶鄉里榮之謁選除諸暨知縣眾易其少一旦摘逋租豪及投匿名牒者揭於壁吏驚服邑中肅然郡守使卒陳南伺屬邑動靜南因緣為奸利事與思收南白其狀不待報罪

之既大忤守勢家請託又不得行共媒孽其短竟以論去邑

人憤走兩臺乞留洵洵出危語上官不得已調大田大田鐵

冶租入不隸大府胥歸縣與思罷之以資貧民又力陳西鹽

不便民請改票為引歲飢便宜發粟郡下教讓之不顧復搆

飛語貶秩乃拂衣歸築小樓郊垞以居日肆於酒卒年三十

二著有抱劫居存草子繩武邑諸生

鹽法文簿蒙批大田每稱官鹽不便但使地方盡食私鹽非

惟損課即法紀安在耶該縣素稱賢者必有處分使國與民

兩不病也願為留意等因奉此卑職長跼捧讀仰見明臺為

國為民至意雖自當言之會無由上達卑職謹冒死為明臺

二未盡下情舍此當言之會無由上達卑職謹冒死為明臺

陳之謹案大田設縣雖屬延平實割自泉漳地方民間米鹽

之類大半仰給舊縣以故從便挑食南鹽免派引目節奉撫

按批允在卷近始奉明文愈報水客赴買西鹽歲定派五百

引與南平等縣一體送比鹽被消融人遭陷溺莫敢復往再

三查勘俱稱本縣山嶺峻絕原不通舟止因各爐自製三板

小船於谿邊鑿尺石隙裝拽鐵礦其船僅用篾絲塞縫惟

鐵礦不畏濕漏鹽若遇水萬無一存此不便也晴則水涸

石出雨則橫潦衝激牽纜莫施如參姨七里灘皆素號險惡

往往沈覆此二不便也鹽五百引計重二十二萬五千斤該

價一千二百三十七兩五錢歲用銀一千四百七十五兩今水客皆

魚鮮小販安能辦此傷折資本廢棄生理率皆銜怨逋逃此

三不便也地本饒薄止產芋蕨食力小民代為挑往承春德

化以所得脚錢僅足供往返七日食費貧民失望恐有他虞此

則此輩脚錢僅足供往返七日食費貧民失望恐有他虞此

西鹽不便也此年荒歉米價騰踊責以買食西鹽價且倍常况

此五不便也此年荒歉米價騰踊責以買食西鹽價且倍常况

黃州府志卷一百二十一

列傳九

死所繫當事者亦何必以國課取盈於彈丸黑子之地而棄

國家視之不餘年徒負虛名竟不能完銷一引國課猶故也自

猶故也大田設縣四十餘年大田未縣之先故百年不引國課

奈何於大田而設縣四十餘年大田未縣之先故百年不引國課

尤請免未免有損國課不知沙永等縣與大田原屬南路者

自迥然不同况票鹽輸稅亦國課也既以此待南路諸縣矣

比之西路諸縣無一水之通比之南路諸縣一田恐沙永等縣

夫西路用引南路用票此閩省事體大田未縣之先依然大田

路地方也自設縣改屬延陵遂照西路一田未縣之先依然大田

闔省燕樂而大田獨向隅也若謂豁一大田恐沙永等縣



食鹽量輸貨額於南路免派引目度情法兩安官民均便矣  
緣蒙批仰議處未敢擅專理合稟候裁奪施行 據廣東文  
獻集番  
馬志修

會陳易字少魯父一傳為約正會縣檄捕賊陳易年十五代  
父役知縣庭辱之乃發憤讀書萬曆十三年乙酉舉於鄉二  
十六年戊戌成進士知新淦縣視民情所樂為治一介不取  
鄒元標語人曰會新淦只飲西江水一口耳擢南京御史疏  
劾吏部侍郎王圖三十九年巡按上江丁父憂歸服闋復請  
廬墓三年四十六年補福建道巡按真定順德廣平大名丁  
大母憂起補江西道疏陳邊防言多抗直晉大理寺右少卿  
與九卿合疏糾魏忠賢留中不報忠賢造點將錄天鑿錄竄  
陳易名禍幾不測尋升南京太僕寺卿住滁陽時議建忠賢  
生祠陳易不從忠賢益銜之以中旨落職冠帶間住忠賢伏

誅廷臣會題起用未即赴以疾卒與父並祀鄉賢

據番馬志修

劉景辰字紫星宋學士褒然之後父應鵬生而純粹家貧力  
學與物無忤羣稱長者有事必就正焉里人陳繆中無行開  
誠告論繆中悔悟卒為名儒景辰由南海學舉萬曆十六年  
戊子鄉試第一十七年登進士授行人二十一年擢雲南道

御史立朝正色條上用入簡練諸事皆裨軍國大計

粵東文海載訓

練軍實疏曰臣惟方今海波翻揚塞烽時警民窮盜發邊腹  
可虞朝廷之虛懷而求臣工之畢智而議者非強兵與足食  
哉然兵每憂其不多而食恆患其太尤當今之日欲不益餉  
而可以強兵者止有練土兵一策何則民壯編有錢糧軍士  
舊有月糧食不外索而足也但說不啻三令五申矣未聞何  
處訓練有方土兵足賴者則以法令不明而責成不專也臣  
請先言廢弛之狀而後及所以振作之法夫倭與虜亦人類  
也非能羽而飛爪而搏也然我兵談倭與虜自分不敵卒然  
相遇不戰自潰者其技相懸也虜之矢倭之刀倚之求食猶  
鏃基也其器已極精良且童而習之人盡其術矢不虛發刀  
不虛擊中國之兵則不然召募之眾朝游市井暮即戎行民  
壯服役公庭忘其兵矣至於衛所猶塵飯塗羹也納袴之夫

無意上進目不涉翰鈴手不嫻弓矢騎步之卒挽裂膚之弓  
挾不鏃之矢鉛刀葦甲皆是也歲食不貲如委之壑耳以此  
當敵必不勝之數也假令器良藝精人有所恃什伍並進彼  
此為援何至喪氣若此哉常情談虎變色馮婦見而攘臂者  
有恃然也昔戚繼光總兵承平士皆技痒其南殲倭北遏虜  
標下之士如貌如虎時值承平士皆謂法合不明者人情安於  
非天幸也今之練兵者有是乎所謂法合不明者人情安於  
玩愒久之弛而乍張則駭彼縱而此操則怨臣謂須部定訓練  
外軍之法循守於天俾知事由申非上官故以苦我條備舊  
井然上下併員於巡道刑名官吏之務一卑遺之且序俸  
有專官今視練兵之事可循套了也臣愚以為重將校之材  
而擬陟其視練兵之與論是官者皆當以兵事為重將校之材  
設而業是官者與論是官者皆當以兵事為重將校之材  
非狎習則不能深究毋以親近為尊藝技藝之優劣非心解  
則不能鑑別毋以講究為失體日省月試所以開府之儲匪是  
也信賞必罰所以勸懲毋避怨也兩臺薦舉方面必廉其恩  
威並著簡練有法者保奏升銜久任以為開府之儲匪是  
彈治之然後集所屬材官如武舉三試之毋偏重文義必參前  
後短長以定低昂凡衛通為一榜凡所通為一榜凡所通為一  
中下等上考者各加半支俸中考者本分支俸下考者減半  
支俸連二下考者降職一級支薪降職半俸其軍士先考者  
力石科其強弱下者減半食充火兵願以壯丁代者聽其  
等以上人授一技強幹勇力者令為管筮手為長鎗手便捷

輕利者為刀牌手平常者為釵鈿手鳥鎗手而弓矢則通用  
材官惟上考得用一隊之中其積什為隊積隊為哨兵其統眾  
則臨陣便於督戰備同則制敵得以兼資廣募精技之士厚  
其廩餼分各隊為師教成則重賞而用於幕下其州縣之民  
壯快手與捕盜之總小甲巡司之弓兵亦照此教之數  
月軍民一體比試先其食損此益彼所專之技亦照此教之數  
試之短長以體上下其費量請分餉賞者望過實開報其一應  
軍器皆官造也成散給仍務極精良不有二人長犯之罪連隊  
查每年給銀繕理如仍前朽敝內有二人長犯之罪連隊  
二人犯之則罪連理如仍前朽敝內有二人長犯之罪連隊  
長以戰守器械常精有裨實用訓練既久人知兵賊入本境  
益以戰守器械常精有裨實用訓練既久人知兵賊入本境  
內毋遠差則道合可得勝兵數十萬矣然調遣不遺意也雖法  
兵憲以時稽察毋俾偷惰毋復廢弛然一番振作則一夫細腰  
久而傲難保日後之不振廢弛然一番振作則一夫細腰  
此多警之秋及時振作先聲後實均足賴也夫細腰  
死可甘劍客好而創廢滿道兵憲家事視國一夫細腰  
感召必有異能之士歸之於法也至於破城保得保薦可以  
而絕不必有能之患於其法也至於破城保得保薦可以  
此飢歲散財繕理而峻其法也至於破城保得保薦可以  
生而保障亦完此不賑之賑均於衛國有裨也臣籍餘食以全

軍旅感時渴臆竊睹一班二十二年按陝西茶馬以釐剔為

不恥襲常敢為皇上陳之務茶無片引闌出衡完銷多寡以為程人競趨之邊計始裕

入馬者不得以羸駑充前之積玩盡祛時西夏兵變四鎮合

擊營馬多斃得景辰馬二萬四千餘始克濟巡乾清坤甯兩

宮工循舊章覈冒濫費減十之三中貴雖與齟齬然亦服其

廉正援例歸省卒年四十五所存有焚餘稿兄拱辰字象丹

亦南海學萬曆七年己卯舉人令懷甯懷甯屏蔽淮服江介

要衝拱辰下車剔蠹惠民懸衡造士大魁官坊劉若宰侍御

汪游龍皆其所拔閱二年以艱去起補靈川民苦馬戶之役

力請官僱三覆報可民若更生任邑百廢並興繕練畢集援

黔之師靈川功最多兩地循聲至今不絕卒年七十九祀鄉

賢據阮通志番禺志南海志修

馮應京字可大萬曆二十年壬辰進士為戶部主事督薊鎮

軍儲以廉幹聞改兵部進員外郎二十八年擢湖廣僉事分

巡武昌漢陽黃州三府繩貪墨摧奸豪風采大著稅監陳奉

恣橫巡撫支可大以下唯諾惟謹應京獨以法裁之奉指克

萬端至伐塚毀屋劓孕婦溺嬰兒其年十二月有諸生妻被

辱訴上官民從者萬餘哭聲動地蠶涌入奉解諸司馳救乃

免應京捕治其爪牙奉怒陽餉食而置金其中應京復暴之

益慚恨明年正月置酒邀諸司以甲士千人自衛遂舉火箭

焚民居民羣擁奉門奉遣人擊之多死碎其屍擲諸途應京

噤不敢出聲獨抗疏列其九大罪奉亦誣奏應京撓命凌敕

使帝怒貶雜職調邊給事中田大益御史李以唐等交章劾

奉乞宥應京帝益怒除應京名是時襄陽通判邱宅推官何

棟如棗陽縣知縣王之翰亦忤奉被劾詔宅之翰為民棟如遣逮俄以都給事中楊應文論救遂并逮應京宅之翰三人頃之奉又誣劾武昌同知卞孔時亦被逮緹騎抵武昌民知應京獲重譴相率痛哭奉乃大書應京名列其罪榜之通衢士民益憤聚數萬人圍奉廨奉窘逃匿楚王府遂執其爪牙六人投之江并傷緹騎詈可大助虐焚其府門可大不敢出奉潛遣參隨三百人引兵追逐射殺數人傷者不可勝計日已晡猶紛拏應京囚服坐檻車曉以大義乃稍稍解散奉匿楚府逾月不敢出亟請還京大學士沈一貫因極言奉罪請立代還言官亦爭以為請帝未許俄江西稅監李道奏奉侵匿狀乃召還隸其事於承天守備杜茂頃之東廠奏緹騎有死者帝愠甚手詔內閣欲究主謀一貫言民心宜靜亟遣重

臣代可大拊循因以侍郎趙可懷薦帝乃禡可大官令可懷馳往未至可大已遣兵護奉行舟車相銜數里不絕可懷入境亦遣使護之奉得迺遷去應京之就逮也士民擁檻車號哭車不得行既去則家為位祀之三郡父老相率詣闕訴冤帝不省吏科給事中郭如星刑科給事中陳維春更連章劾奉帝怒謫兩人邊方雜職繫應京等詔獄拷訊久之不釋應京乃於獄中著書昕夕無倦三十二年九月星變修省廷臣多請釋繫囚於是應京及宅棟如獲釋之翰先瘐死而孔時繫獄如故應京志操卓犖學求有用不事空言為淮西士人之冠出獄三年卒著有月令廣義及經世實用編行世天啟初贈太常少卿諡恭節

據明史本傳修

番禺志龍灣人由南直隸盱眙籍阮通志選舉表番禺人泗州衛軍籍

曾士懋字子德萬曆十九年辛卯舉人由孝豐教諭擢句容令廉敏明惠聽斷莫不折服尤善作人出門下者多致通顯秩滿遷河池知州州多黠酋每餌守以賕遂恣所欲為士懋下車却所賂酋皆畏服條上八議都御史嘉納之以病乞休士民鐫碑誌去思焉據張府志修

謹案張府志傳列從化阮通志選舉云番禺人從化籍海雅堂集會韞山行狀云曾氏先世江西廬陵人宋淳化戊戌進士湖廣參軍諱晞嘗者始遷番禺流溪都造逕村康熙二十四年析南海番禺清遠三水從化地立花縣遂為花縣人是曾氏在明代固籍番禺也

韓上桂字芬男一字孟郁父禹梁爛吟詠家貧授徒三子皆

自教之上桂居長父夢美丈夫持青蓮拜呼為大人遂生幼穎悟日誦萬言如宿記嘗借人二十一史一覽即默識其人物地名年十六為諸生聞士默特結連西部數為邊患慨然有投筆志於是學擊劍馳馬天官兵法壬遁之書靡不研究弱冠舉萬曆二十二年甲午鄉試先是倭陷朝鮮求援於朝師出久無功遂議封貢上桂公車抵京詣闕上書請以奇兵出海道扼而殲之不報是科禮闈擬榜首以擬韓范招討表內有碎首玉階四字觸忌遂落乙榜例得教職不謁選歸二十六年再不第放懷詩酒著有凌雲記填詞城坳集四衍詹言雞肋篇又有雜稿選靜志居詩話才氣可方吳中桑與同民擇是萬曆間嶺南第一才子里陳子壯韓日纘李待問等為聲氣交三十七年丁外艱四十四年復登乙榜以母老署定州學正著定州志畧踰年冬

奔母喪歸作五惜以自責服闋補易州學正天啟二年赴春官會討山東白蓮賊賊方熾廷議欲得儒生知兵者往覘其勢上桂奮袂請行首輔葉向高壯之加國子博士參謀充師事忌者中以蜚語遂不果請假還里以魏闖亂政不仕崇正改元起南國子博士改助教歷監丞攝如皋篆有政聲陞永平通判是時中外用兵南北飛輓餉匱軍輒譟上桂計漕之多寡所載幾何上下大小畫如龜形中以十字歸算百艘如一不錯升斗不半月完運邊軍賴以濟遼撫方一藻才之薦擢建甯同知仍留餉邊上桂扼腕時事鬱鬱無所試酒酣拔劍起舞慷慨悲歌或至墮淚一夕仰視天文憂形於色子騏超從子麟超叩其故曰乾象異甚變將不測其在甲申乎汝曹可速歸事親吾死官守矣皆泣下其叔玉海不願歸語上

桂曰離家萬里同死何恨昨夢秋荷墮手恐非佳兆上桂領之甲申三月流賊陷京師報至慟哭不食卒於甯遠城完節日撫鎮經紀其喪次子駿超奉靈輜歸乾隆四十一年

賜諡節愍祀郡邑忠義祠仲弟韜萬歷武舉性敏詩文皆走筆就偶習武即得雋未仕先卒刻有茹霞稿與上桂諸稿同時燼於兵騏超駿超皆庠生父喪畢不復就試食力養母以終據阮通志修

衛琛字玉之瀝滄人萬歷二十二年甲午舉人知富陽縣性慈而介治尚嚴明有犯罪者托人關說琛怒執法不少徇祀

名宦據番禺志修

謝天貺字宣美市橋人萬歷二十八年庚子鄉舉數上春官不第垂十餘年選甌甯教諭擢石首知縣石首瀕江據沔上

游水數為患往往成巨浸壞民居天貺至勤事堵築民慶安

闕大吏上其績賜勅嘉之勅曰知縣佩墨綬專城亦惟是

未自岷山歷五州邑以徃兼以雨暘不時隄防失策侵敗民

舍七年於茲議者欲徙以避之將不以馬夷爭此土乎湖廣

荆州石首縣知縣謝天賦目睹蕭條心規便利勤馨鼓以率

眾具奮鏞以障川水不懷襄民用甯謐斯亦得周官以防

水之意矣而復能冰蘖自持雞犬靜垂簾之日獄市不擾牛

女空貫索之星政慶咸中治能從律是用授爾階文林郎錫

之敕命夫水者大害也決渠溉田則史鄭垂利百世築

隄捍水則范趙排害百年而吏務因循滿歲遷去前後相諉

且擢尋召見詔留部天啟改元魏監漸用事有教天賦以五

政矣

百金媚魏黨可得都察院天賦正色拒之出為撫州同知未

幾東廠日橫乃致仕歸子宏天啟元年辛酉副榜據番禺志修

蕭穗字鳴璉新橋人萬曆三十一年癸卯舉人知樂平縣地

屬上黨舊隸遼州編戶僅十里穗得之喜謂可行吾志至則

廉潔自矢案牘皆親決以細故訟者悉令和在任數年息事

甯人弭盜平價輿情安之大吏廉其治行擬卓薦而穗本無

宦情遽告歸築別墅龍騰里與謝餐霞及兄秬弟雲露詩酒

往來秬萬曆四十五年丁巳舉人雲露俱庠生據番禺志修

王命卿字簡之由南海學中萬曆三十一年癸卯舉人四十

一年癸丑成進士授福清知縣清介自持不阿權貴調五河

有治聲遷刑部主事歷郎中出知長沙府時魏闡擅權摧殘

善類吏部劉宏化忤之削職坐贓罄產不辦命卿陰為之寬

及闡伏誅宏化得復原官不及於禍命卿之力也致仕歸里

以祿不逮親為恨自號匪蓼云據阮通志修

崔奇觀字岷瀾員岡人萬曆三十四年丙午舉人四十一年

癸丑進士除山陰知縣未任丁艱服闋補金谿金谿煩劇多

細故為民累奇觀至釐剔殆盡有不能驟更者設法變通之民以為便御史王民順作金谿政紀勒之石其革兌書之弊尤為邑人所稱天啟初入為山東監察御史三年紅毛夷踞澎湖島閩撫請勦之廷議令粵會勦奇觀言粵中瓊黎甫勦連徭復叛瘡痍未起加以援遼死亡相繼十室九空土賊如袁老八者不少計廣州營兵不過四千以守禦且不足更調之于閩一旦有警恐無以為應況澳夷築城澳門以備紅毛為言夷情叵測尤不可不慮至於制禦紅毛亦無待濟師紅毛舟廣三丈其高倍之上具樓櫓如雉堞我舟高大不及彼五分之一而欲與爭勝於稽天巨浸中必無幸矣火攻為勝算然非識天時審機變者不能惟嚴禁接濟絕其薪米不旬日必飢疲而走此不戰之戰不攻之攻何必紛紛召兵乎廷

議從之其年十二月巡西城獲遼東逃將韓宗功等賜花幣鼓樂明年正月疏糾漳南道程再伊謂紅夷頭目高支律密求互市再伊詐取三萬餘金置酒海上享支律支律酬之乃遣哨官假為再伊赴飲支律潛遣再伊夜明珠珊瑚樹為澄海知縣蒐獲前年五月夷船入港衝石自沉居民泅水取其大銃再伊責民還銃造船以媚夷兼載柑蔗牲酒餉之率民向支律叩首請罪往遺之禽又陽禁通夷商賈其貨物輒指為接濟盡沒之乞重加鞭斥追賊入官榜其穢狀於海上俾夷知奸露當自竄又糾員外郎馬明瑞多藏厚亡被盜自諱其彈劾不避多此類時朝政日非疆事大壞東失遼左西則奢崇明安邦彥作亂巡撫王三善敗沒奇觀疏言番禺志云其年二月

因風霾之異疏請修省考明史熹宗本紀天啟元年閏二月乙酉以風霾諭羣臣修省四年正月王三善遇伏被執死之

廣州府志卷一百二十一列傳九



二月丁酉薊州永平山海關地震壞城郭廬舍甲寅京師地震宮殿動搖有聲今上疏在王三善敗沒後所謂其年是上疏而謂因風霾諸臣焦心於東西之匪茹借箸於戰守之機宜而臣不識時務以和之說進陛下於三路之敗嘆曰遼左之陷因羣臣不和大哉王言推見至隱矣遡厥所由起於朝廷之上黨同伐異心有主而喙爭鳴弄戈矛於口吻鬪元黃於筆鋒有朝廷之戰而後疆場之戰應之東事主戰主守兩不相下是以有敗北之虞主勦主撫各執一見是以有旋師之辱此皆不和之故也陛下加意封疆允當事之請撫榆關用喻安性撫貴陽用蔡復一矣但事就緒而圖其終功已壞而幹其蠱願諸臣開誠布公集思廣益議不必同期於有濟見不必合期於互參貳而討之利用威服而舍之利用懷上下一心不戰而氣自倍乞頒詔敕督撫道將諸臣和衷共濟無蹈前愆人事和於下天變自消於上矣帝以為深切時弊嘉納之奇觀旋卒金谿請祀名宦郡人請祀鄉賢俱允行

永明王時贈太常少卿廕其子世德與功貢據番禺志修

黎崇宣字孺旬番禺志一字二來曾祖伯興祖永正父勇先穎敏有雋才善詩古文辭美鬚髯膂力過人好騎射喜談兵工楷草隸萬歷三十四年丙午舉人八上春官不第母老乃就海陽教諭潮俗豪紳凌侮後進崇宣率諸生詣監司抗辨士氣乃伸番禺志執

出門外痛箠崇正四年辛未成進士授南京廣德州知州

志崇宣成進士友人謂之日掌科嗜奕喜勝君晤留與奕少遜之翰林可得也既而對局連勝掌科退出友讓之日何忘昨戒日吾著不政簡刑清撫民如子以抗直自免歸起袁州

府推官不就優游林下嘗徒步攜具登山或入村塾盤桓竟日延名士林楚課鄉里子弟有貧不能學者資助之多所成

廣州府志卷一百二十 列傳九

就著有怡情集母羅壽百歲甲申竟歿適北都變聞崇宣以

哀痛卒據金通志郝通志修

劉如性字淡然仙嶺人由南海學舉萬曆三十七年己酉鄉試七赴春官不第仕英德教諭擢賀縣知縣賀多山寇下車即親履賊寨撫諭賊感悅皆為良民所屬多金銀鉛錫礦上官籍之為利一日郡守檄取錫二百觔吏白此往例也每錫百觔折銀百兩皆派於礦戶如性曰吾官可罷吾民可重苦耶以白金市錫如數以獻果被劾降江西建昌府經歷崇正間朝廷重簡民牧廉得其狀補雲南陽宗縣有政聲撫按交薦遷知趙州時宇內多事四方鼎沸如性講武為捍禦計流寇張獻忠之鴟張於蜀也餘燄於滇黔趙州以有備無患孫可望竊據川黔皆汗偽命如性堅拒之間關歸里未幾卒

年八十五據郝通志金府志修

李惟鳳字鳴周萬曆三十四年丙午舉人歷任桃源陸川知縣潔已愛民民大悅以老疾辭歸時奸民開採石礪山石與劉如性請官禁止又建浮屠於其上郡人稱之惟鳳樂為善事家居老且病有大興作為鄉國利者輒奮發不辭云據番禺志修

潘梧西村人湛若水門人也從學於小禺洞端粹醇謹動遵禮法若水喜之曰是所謂言坊行表者士生豈不貴特操哉字之曰太操梧益自勉尊聞行知直內方外鄉黨化之稱曰太操先生里有非辟游惰之行殊詭之服皆却走曰毋使太操先生知也七世祖廟未立力倡建之葬先世於近城之西竺山他家爭為侈麗梧獨築沙土令堅緻而已後廣州被圍

大清兵發取礮石他家皆毀而潘墓獨完人始服其遠識年八十卒萬厯中祀鄉賢孫雲衢字燕雲少穎異悟自教之比長肆力於古旁通天文輿地識緯之術崇正三年庚午舉鄉試廣州擁立授僉事監江粵軍辭不受偕弟雲銜入羅定隱靈陽雲際山中數月卒曾孫棣元別有傳據廣州鄉賢傳阮通志修

李化龍初名紹科字伯熙父茂魁潯州府同知家波羅南海神祠之西嘗築西臺延陳獻章講學化龍幼慧年十二賦達奚司空詩人爭傳頌茂魁始為博羅教官上官有王觀察者偶談詩以得意宮人入道失意宮人入道命題使諸教官為之多不稱意茂魁令化龍屬草觀察見驚曰此豈廣文所能耶茂魁以實對愈駭歎趣化龍往見乃一巾角童子也與談口如懸河觀察改容傾聽既冠補諸生以歲貢赴廷試蓮鬚閣集

鄉間數中皆以小故易敏之

先是董應舉官府學教授奇化龍才至是為

尚書握手道故間及時事化龍指畫今古發議雄奇在廷諸人咸重之謂不當屈為儒官化龍遂歸橐空不能具車馬附漕船出潞河而南時登岸眺覽中原弔古昔成敗悲感太息得詩若干篇為旅愴集既歸居西臺以一驢負薪與家人煮葵煨芋而食出遇耕夫漁父即執手語或至人家遇雨假蓋屐歸中道晴輒棄之夜行借燈燭具亦然所至寒索衣飢索食人以其篤行與之無吝嗇及德色者一日居城病忽作輿歸西臺卒年六十二是日人有見其盛衣冠入學宮問之笑語如生平忽不見後乃聞其死云據黎遂球撰傳阮通志修

謹案阮通志云化龍抵里築西臺精舍於所居黃木灣與其師湛若水唱酬觴詠其下攷若水嘉靖二十

九年卒黎遂球萬曆三十年生四十四年冠邑試遂球自言方就試化龍觀其文即決為第一計是年遂球年十五距若水之卒五十六年矣化龍未曉卒於何時然以卒年六十二計之其及若水時亦僅六歲恐無唱酬觴詠之事也故不從阮通志

梁棟隆字洛文萬曆四十年壬子舉人初授鬱林知州州環山皆綠林藪棟隆運奇決勝殲厥渠魁萑苻頓息凡所興除無不竭盡心力士民感德立祠祀之遷吉安同知陞蜀府長

史據張府志修

梁挺字孟修生而穎悟有奇畧萬曆四十三年乙卯舉人官鉅鹿知縣俗強悍多以自戕捏訟挺慨然曰禮教不興致民輕生樂死司化之責也選諸生有文行者四人分居四隅講

孝經申明禮義其率訓者給以衣巾免役由是舊習始息知解馬為民害令出解值之半官為市解民稱便焉巨賊柳昌善射糾眾為亂官兵屢勦無功挺以計擒之餘黨悉平時流寇充斥順德所轄九邑相次淪陷鉅鹿去郡遠且守備寡挺屬父老而諭之曰吾奉命守土存亡與俱藐茲孤城死實吾職其如爾百姓何眾感激流涕曰願為公死賊至士民不呼而集枕戈於城者三月賊忽退去後獲賊黨以為見漢壽亭侯勒馬城上人皆謂挺忠誠所感云撫臣丁魁楚首題其功監司亦薦挺邑宰清廉第一其署唐山縣猶多政績有盤查周某性貪刻所至輒轄賂金挺獨不與曰黜陟自有定論可媵民以媚權貴耶因念母解組歸邑人於治旁築生祠祀之著有金臺集觸奸論行世

據阮通志張府志修

蕭嗣立字而權萬曆四十六年戊午舉人事繼母孝為潁上知縣發奸摘伏如神崇正朝江北蝗不入其境時比之魯中牟流寇日熾嗣立脫室人簪珥以犒士募粵人制火器為守城具賊聞之相戒勿犯有狂逞者悉殲滅潁人著守城紀實以誌焉潁州失守總漕朱大典以陵寢重地需人特表嗣立知潁州修城池整學宮創衙宇繕倉庫撫集流亡給牛種使耕作時西湖毀於寇力為修復州人誦德有五袴再歌新日月三刀重整舊山河之語州俗多悖古禮纂刻家禮易簡編以曉之十二年兼署壽州張獻忠來犯嗣立與鄉官方震孺募死士夜斫賊營斬其梟帥獲馬匹衣甲無算三奉旨錄其功十四年春正月河南賊數十萬所謂過天星袁老山者五股合圍潁賊偵探遙見天神執刀騎赤馬巡城大驚遁去追

斬數千嗣立臥食城上八十餘日夜不解帶以勞成病屬纊

時猶呼追賊者三後震孺按廣東悉其勞績聞之兩院舉入

鄉賢從祀郡學據張府志阮通志修

杜夢龍字禹門天啟元年辛酉舉人崇正四年令安鄉性慈

厚民陷法者每拊膺恐誤罹重典縣治西牆濱河水嚙牆圯

捐資貲以巨石官七載政治民懷建生祠東門外輿誦有云

日午常看琴作侶夜深惟有鶴相隨可想其概矣後以疾卒

道塗感泣據澧州志修

趙龍字裕庵天啟七年丁卯舉人崇正初知興化縣時盜賊

蠡起高郵鹽城往來道路龍率鄉兵往捕獲渠魁三十七人

悉斃杖下餘黨立散水患頻仍民殫相望請緩徵不得即自

拜疏上之被劾落職據江南通志修

謹案番禺志阮通志選舉俱載龍崇正四年進士太常寺卿通志又注 國朝平樂府知府與此傳異不知何據

黎遂球字美周曾祖瞻父密有傳母蘇方妊父夢孔雀集於庭大司馬陳子貞過之是夕生遂球五六歲能讀書九歲能文工詩古文辭下筆輒奇警縱橫天啟六年知縣張國維拔冠邑試明年丁卯舉於鄉數上公車道經吳越與徐汧吳偉業張溥張采金聲陳際泰輩結交抵邗關集鄭超宗影園與諸人賦黃牡丹詩各十首遂球第一超宗鑄金疊為贈時稱牡丹狀元生平好遊自燕趙秦楚魯蜀以及滇黔足跡無不至崇正甲申聞變痛哭誓死謀勤王啟直指及藩臬以固省會為急務先是詔行保舉法陳子壯稱遂球博學幹敏可當

方城之寄以母在辭廷臣三薦處以館職遂球曰文事非今日所急南都再造捐產製銃五百函交官馳解及福建擁立復與當事建議令鄉徼勸輸公儲饒構付友人張家玉代上中興碩畫十事事書一曰勸學崇儒一曰辨分定志一曰定中圖大一曰知人善任一曰練兵措餉一曰鼓舞民心一曰減免賦稅一曰知廣布間諜一曰簡省訟獄一曰審勢制勝並無援度之語又與巡按王化澄部院丁魁楚副使湯來賀往來議戰事吏部特薦學問經濟人才授兵部職方司主事賜敕印提督兩廣水陸義師援贛州遂同驗封司主事龔棻弟遂琪姊子劉師雄冒暑至南安督總兵黃志忠游擊羅明受等治戰艦千餘艘赴贛州約各部水陸夾攻大戰三日有泗水劫者奮擊却退會水淺膠舟大清兵縱火焚之明受走還廣州遂球入贛時督師閣部楊

廷麟督師部院萬元吉監軍御史姚奇允率總兵黃志忠嚴  
遵詰吳芝範張惊張安等援兵數萬堅壁固守遂球日夕偕  
遂琪師雄身冒矢石督發鐵銃火器目不及睫凡數閱月南  
門陷城中大亂遂球下城巷戰脇中三矢墜馬死之順治三  
年十月四日也年四十五遂琪與僕盧從贊梁義陳廣金等  
三十餘人同日戰死詔贈遂球太僕寺卿賜祭葬贈祖父如  
其官廕一子入監讀書行江西制臣合楊廷麟萬元吉姚奇  
允龔棻建五忠祠於贛州勲卿嚴煒特請加卹賜諡忠愍比  
例加贈兵部尙書廕一子錦衣衛指揮僉事遂球性忼易通  
爽兩目如巖下電雙肩削聳頎然玉立足揚舉頗不屑文縉  
或以爲傲物然與人交握手漉肺腑斷斷然於是非邪正之  
介不少混也所著蓮鬚閣集周易爻物當名易史詩風史刺

凡百餘卷行世

國朝賜諡忠愍子延祖彭祖皆好學篤行別有傳遂琪字美  
東善詩工楷隸猶精刻篆儻好談兵擊劍馳射驍勇善戰  
年二十七以參將出師歷副總兵師雄明經人少有勇力能  
敵數十人喜孫吳兵法以游擊援贛州授參將城陷被執不  
降已而乘間脫歸隱雷峯獨漉子集贈師雄詩曰章貢千峯  
裏當年羽檄飛死生從舅氏辛苦  
脫重圍馬骨指無日虬鬚拔漸  
稀白頭持壽酒莫道不沾衣卒年八十六明受名福新橋  
人長七尺徧體生長毛狀似虎善飛走一躍丈許往來海上  
從遂球招授遊擊將水師敗於文潭壩走還廣州後討花山  
賊銳出爲僚屬所陷死於回龍村野塘與遂球同日年三十  
二按明史萬元吉傳時援師四集欲戰而元吉待水師至並  
擊主事王其宏謂元吉日水師帥羅明受海盜也桀驁難  
制荼遂球若慈母之奉驕子且今水涸巨舟難進豈能如約  
不聽考遂球中興十事書有云今如尚未足恢復之用勢不

能不添募臣以為固無如土司之狠兵與東粵海上走利禦人之徒請得招而用之此其人習於火攻水戰又能赤身冒白刃云云觀此則王其宏語信然舊志不言明受為盜殆未之考耳據查繼佐撰傳李摸撰墓志王庭崇祀廣州鄉賢傳勝朝殉節錄番禺志修

陳際泰大嶺人崇正元年戊辰舉人十三年庚辰特用進士

題名碑刻入十五年壬午科時帝欲不次用人特旨考選舉人廷試貢生俱准以主事同知知縣特用同邑選四人授

平樂知縣擢臨江知府歷湖廣布政司參議兼僉事會蘇觀

生等擁立唐王抗永明以際泰知兵授為監軍道督師與永

明總督林佳鼎戰於三水兵敗復招海盜數萬遣大將林察

將之戰海口斬佳鼎

大清兵入廣州死於家

據阮通志修

梁朝鐘字未央員岡人士楚曾孫也幼孤依舅氏霍子衡倅

黨不羈好讀書善文詞喜談論然不能容人雖尊貴無少屈

為童子時給事中陳熙昌族人攘朝鐘祭田遺書譙讓之熙

昌得書折簡造門謝知縣張國維試士首拔朝鐘深器重之

袖其文質熙昌熙昌稱道不輟由是知名朝鐘感懷時事與

季父庠生克載同郡舉人陳學佺曾起莘張二果約為方外

游總督熊文燦聞其名延為子師文燦以及粵寇功晉大司

馬總理九省之師同朝鐘出嶺登匡嶽訪道黃巖既而用師

襄鄧留家皖城以妻子託朝鐘朝鐘視其奴之驕蹇者輒鞭

之如已僕後辭歸中途幾為熊僕所殺歸粵著書自適崇正

十五年壬午舉於鄉明年中進士乙榜甲申燕都陷悲憤幾

絕南都建徵之不出聞中徵之又不時語客曰我頸有刀

痕見否客訝之正色曰今日事行將及削髮求生朝鐘必不

為也順治三年廣州擁立授翰林院檢討自計曰時急矣官



死不官亦死孰若官之姑以一日盡生平乎人或賀之曰事至此誰獨憐者朝鐘求速死耳當弔之何賀也兼兵科給事中賜笏尋授國子監祭酒疏辭改司業聞惠陽破與子衡約必死十二月十五日廣州城陷十六日整冠帶北面成禮復拜辭家廟時城中俱已薙髮朝鐘獨峩冠博帶往來里中見者驚愕或諫以無子宜少遜為後計朝鐘不為動屏家人赴池水淺不能沒鄰人岑端賢踰牆救之朝鐘曰若愛我幸拉沈我其僕繼至氣已絕僕扶起於屋東廊覆以破少甍兵入室朝鐘大罵被三刃死著有輔法錄家禮補牋日紀錄喻園集

國朝賜諡節愍龍灣有生員馮協颺者朝鐘友也亦自縊死學佺字全人崇正六年癸酉鄉試第一事空隱與梁堅德同

受戒於椒園旋卒克載與二果起莘皆為僧起莘見釋老傳

據王鳴雷撰傳勝朝殉節諸臣錄喻園集番禺志修

梁萬爵字天若隆武乙酉舉人紹武授行人廣州破萬爵曰此志士盡節之秋也遂赴水死

國朝賜諡節愍韓乃聰古壩人刑部郎中殷曾孫少以忠義自許遭國變舉義旅屢立戰功年甫冠死難郭景相郡庠生妻黃僅生一女

大清兵入廣州景相死之黃偕女投井死樊良佐妻周及女媳十餘人投池死庠生樊廷槐之父蜚譽與其叔崇韜程萬朝坦弟國璋日觀皆男婦同縊死庠生黎士奇同妻樊子禺庠生李應春母樊龍眼洞舉人樊于震之孫玉堙玉球皆投水死云

據番禺志阮通志勝朝殉節諸臣錄修

李豫新字啟升正心街人通判李文曾孫化龍從弟也與弟  
豐新豔新俱負氣節豫新由拔貢官灌陽教諭秉鐸餘閒佐  
修邑政上官才之擢灌陽知縣會桂林傾覆灌陽亦陷豫新  
衣冠出廳事慷慨題詩北面再拜而縊士民為具殮厝柩哭  
奠傾市豐新字啟康亦由拔貢官海豐教諭未一載國變殉  
節死豔新別有傳據番禺志修

施輝然父古里邑庠生生子八輝然第五以副總兵事永明  
王為太子太師王化澄軍前昭勇將軍順治七年大兵攻廣  
州輝然守西城十閱月城陷巷戰死家男婦十餘人從之子  
祚基五歲哭父死從子廷基被俘不屈死成基從李定國入  
黔死六弟燦然崇正七年隨從兄指揮使炯然解礮餉至山  
東河南與從兄惲然以勤事死從兄煒然從弟煥然事永明

王俱為護駕將軍後為益陽王軍前副將皆殉難死四兄焜  
然生而敦敏篤學不倦紹武時廣州不守棄諸生同妻邵奉  
生母鍾隱處龍江自稱番禺遺民據阮通志修

梁與臺字彥閣朝鐘季父也生而俊偉膽畧過人萬厯間厯  
廣督守備天啟改元擢蘇州都司遷濟甯遊擊晉參軍攝開  
河副將轉應天都督同知福王時軍糧乏絕合與臺轉餉以  
濟南京破走福州唐王授宮保督練水師福州陷隨唐王弟  
聿鏗入廣州授中府僉書李成棟佟養甲破廣州朝鐘死與  
臺慨然曰姪得死所矣復走事桂王已而見時事不可為憂  
傷成疾以順治七年卒于軍據番禺志修

謝獎字居最市橋人父餐霞萬厯四十年壬子舉人獎少能  
文弱冠應府試解中丞立敬時佐郡為郡守校文首拔之入

南海庠天啟四年甲子崇正六年癸酉九年丙子三登副榜問業者率常數百計性孝友儉約飲食器用如簞人子後見紹武與永明爭立積憂成疾不浹旬卒子鵬萬補增城諸生後為藩下標員馬雄至廣州縱兵大掠沙菱諸鄉多罹其害鵬萬以舟師與山門李麟參等禦之鄉里賴安獎弟彝字居鼎邑諸生以詩名有鵝湖集據番禺志修

衛冕世居滘灣移家省城性剛直務勤儉部授經歷戊子歲飢捐貲賑濟鄰里收救棄兒多所存活大兵入粵避居平洲旋鄉祀祖遇土寇不屈死之子文英原名昌祚中書舍人據金

通志修

屈士燦字賁士明初元帥府總護仲舒其祖也元末盜起招勇壯練之東莞何真假以名號用制其鄉里一方以安士燦

高祖一鰲嘉靖七年戊子舉人父驥崇正二年庚午武舉士燦聰敏能文年十九舉隆武鄉薦順治五年春李成棟反殺總督佟養甲迎永明王至肇慶士燦上時務疏授中書舍人奉命還娶先是我

朝順治四年永明王永曆元年也粵中兵四起士燦方居父憂乃破產與弟士煌衰經行軍初入羅浮糾合十三營壯士得數千人與赴張家玉師未至而家玉戰敗未幾陳邦彥等起攻廣州不克走清遠死守數有書使士燦為應邦彥被俘臨難賦絕命詞有還同屈子俱沈句士燦曰此識也安知吾異日不為陳公續耶再上疏請執及先死弗許順治七年春大清兵下南雄永明王自肇慶復走梧州士燦與士煌還歸欲援省會拮据數月始辦一旅出而守將江甯伯杜永和忌

之分其兵戍石門及廣州破走匿西樵順治十一年李定國陷高雷廉士燦移家羅浮與弟閒道赴軍至則定國以攻新會失利還黔矣進退無計乃入化州西山時靖氛將軍鄧耀屯龍門島在欽州海中親駕艤舳迎之島中所集通播臣有兩郡王一巡撫六部監司知府以下凡數十人每食宴冠蓋鱗集士燦年少居末座然有大議必顧問士燦知無不言東結凌海將軍陳奇策之援西解漳平伯周金湯之鬪近連交趾屬國遠約延平水軍皆至已聞定國從永明王入雲南諸人使士燦齋表先行士燦從交平特摩州入既至上書指陳利害語侵執政及孫可望時議遷士燦諫垣畏其多言乃轉禮部儀制司主事于是兵部侍郎冷孟銚少詹楊在都給事齊環太僕卿蔡鍊侍讀汪蛟同時言士燦艱難險阻九死一生與

弱弟閒走交南旬旬詣闕而官秩卑微車服未稱非所以獎勵瘁臣不報後以士燦充雲南同考試官得士景同春等六人將典試四川未果可望黨有保國公王尙禮者驕橫無人臣禮士燦疏糾之尙禮大怒將遣健兒爲不利武靖侯王國璽力解之得免士燦爲人纖柔謹愿人笑其迂而定國頗重之是時漳國公鄭成功將進封延平王朝議遣士燦往實遠之也定國不許明年升員外掌儀制司印定國性苛細慮諸道督學會墨每出校士遣一都司隨行謂之監試士燦言其非體罷之長至節瑞昌王與蜀王爭列盛氣至署責掾吏士燦出曰蜀王太祖十一子甯王之兄玉牒具在王今欲亂之耶因上言喪亂之餘舊日天潢存者無幾自當黽勉親親不宜自起干弔以貽國戚會宗藩某王薨子幼弱不能自立士

燦請命吉藩收養教誨俟長龔封于是宗人府建議凡諸宗

孤榮無告悉歸吉藩議出諸宗感焉凡署篆六月而雲南破

時王走永昌百官倉卒隨幸士燦與士煌書夜兼行至楚雄

度追王不及東歸得疾卒年四十九陳子升贈屈賁士儀部詩憐爾高陽裔含愁向

楚天八龍秋色遠一鶴下荒烟陋室且相聚悲歌誰為傳茫茫江海畔閒却祖生鞭士煌字泰士年十

六補諸生與兄士燦往來陳子壯軍中圖義旅相犄角李定

國之撤兵還黔也士煌時方聘妻蘇不及娶即從士燦西走

自龍門島齋表入滇徒步瘴鄉艱辛萬狀始得達既致命因

上書引宋陳亮故事陳三大計六要務且極言可望之惡授

兵部司務試職方主事及可望平諸臣以覃恩晉階兄弟閒

曹無事為諸勳鎮代撰馳封誥命及謝表日不暇給無何

大清兵由楚入留守漢陽王馬進忠棄貴陽走士煌憤恚上

章數其失律棄城不戰三罪不報比雲南破還家母劉尚存

相持慟哭而所聘妻蘇已鬱邑死矣士煌同產五人兄士燦

弟士煜士灼士熺賢而有文先後卒獨士煌養母以終年五

十六據阮通志修

馮挺衡初名國柱字鼎臣元曾孫也萬曆三十七年己酉舉

人知湖廣善化縣縣附郭崇正十年臨藍礦賊數萬攻城卻

之以功資金幣時盜賊日熾挺衡增城堡浚池隍繕器械練

義勇甚有經畫四攝長沙縣事偏撫陳睿謨力薦之調江西

奉新以寇警不待符下嚴限赴官奉新兵荒民逃挺衡設法

招徠流移復業勦除劇盜李宿十等泣任三月民歌之北都

傾覆文憑不至遂去官唐王時起授工部主事株守冷曹積

俸陞轉而已後永明王走桂林挺衡遯跡龍巖年七十餘乃

卒據番禺志修

何昌戴字景實沙灣人明季時盜蜂起沿海劫掠無虛日昌戴素負勇力以義烈自許會鄉族議擊賊挺然出鄉子弟從之竟鬪死鄉為立祠置祀田云據番禺志修

羅賓王字季作萬曆四十三年乙卯舉人官南昌同知告歸與里人會起萃黎遂球梁朝鐘陳學佺博羅韓宗駮俱以高才好談當世務見時事日非禮僧空隱有出家之志明亡梁黎抗節死賓王亦不屈大帥下之獄意氣益厲作為詩歌多憤懣之詞大帥感其節釋之先是起萃早為僧居雷峯賓王在獄寄空隱及起萃詩云年來長下獄不負獄中燈此地人誰到懷師道益增敢無慚美里猶恐愧孫登眇眇慈光上巢雲定幾層既免遂棲隱禪林嘗登鎮海樓吟云飛鳥尚依梁

苑樹落花猶似漢宮秋讀者為之惻然著有獄中草散木堂

集初粵秀山前甲第相望豪華冶麗冠於天南賓王罷官歸

築哭斯堂其間人以為誕及兵燹後改為大營而遺構盡矣

始悟其先見云據靜志居詩話番禺志修

李雲龍字烟客少補諸生負奇氣一時名士多嚴事之絀於

遇以貲遊國學卒無成走塞上客東莞袁崇煥所時崇煥總

制三邊威名大震雲龍在幕參其謀既而崇煥死遂為僧稱

二嚴和尚明亡不知所終著有雁水堂集嘯樓前後集遺稿

別稿行世子二長雲子字山農拔貢次龍子字田叔崇正十

二年己卯舉人皆以詩名於時黎遂球送李烟客先生序吁

兒女子之所深恨也十年來數送李先生行或見其袂紅冰臂環雅髮一曲相向坐客皆仰面不敢直視殆難為懷比相遇於長安中踏雪看花日指偏提索醉若不復知有當時人矣雖然彼一時也橫槊賦詩倚馬草檄坐胡床醉晚而罵

丈夫遇知已慷慨然諾何所顧戀今先生復行矣吾恐渡錢塘玉環雙橋之間聽落日鼓鐘必忽忽如有所失矧北地沙乾酸風刮耳以至入燕市聞悲歌相和聲其或有不相識面之故人在歟吁嗟乎噫嘻此一時也又豈兒女子啞啞私情所能稱量萬一者江山不殊百端交集其以為文章之助歟抑以發性情之感而善用之歟先生行矣遂球即來觀之客有知之者賦詩送焉遂球得而先之

據番禺志蓮鬚閣集修

李成憲字正甫東溪人性孤介早為諸生未有所知名廣州破其母及於難乃髡首戴笠自名今日僧出遊江楚間無所遇客於新安零丁山居焉零丁山者南海之島嶼浮沒風濤中悲涼寥落文天祥所謂零丁洋裏歎零丁者也成憲既痛家國之禍束身孤旅寄食於漁者遇哀至則拊心零丁之上澆酒四顧鼻聲歌所為詩多刻厲悽惋之音又歌天祥正氣歌歌已而哭哭已復歌欲投洋死既而念親遺體復棄僧歸好獨坐每鬻髮輒嗚咽裏藏之人問則曰欲還之父母也全

歸之未能故傷之耳作詩時時自焚其藁人或從物色之與坐終日不交一語行城市中遇人不為禮縮兩手襟袖間或反揖所同行者曰吾自為公禮彼無與也與張金吾家珍林文學楊杞梧善時客其家張卒哭極哀既而曰吾亦不久矣踰年病歿于零丁山年三十七杞梧集其詩梓之

據陳恭尹傳番禺志修

謝長文字伯子歲貢由教職歷官瀘陽知縣廣州擁立授戶部主事明亡不復出長文得名最早陳子壯開南園社長文與焉嘗其和黎遂球黃牡丹詩十章名曰南園花信詩晚事僧函是于雷峯名今悟字了閒著有乙巳詩藁雪航藁秋水藁行世黃兆成本名紹繩字虞六天啟七年丁卯舉人與遂球彭孟陽輩善嘗和孟陽惻惻行云莫問三生石有無墓門

長夜慘啼烏知君不作無郎怨好過青溪伴小姑如此佳人  
再得難嬌香零落玉摧殘一坏綠滿同心草愁殺遊郎駐馬

看按番禺志云舊志稱兆成有傳今殘缺無考存此二詩以見其概云據番禺志修

彭孟陽本名日貞鍾村人父德馨萬曆二十二年甲午舉人  
官漳州同知孟陽早補諸生與郡中賢豪長者遊陳子壯放  
歸時主盟詞壇孟陽與黎遂球梁朝鐘王邦畿諸人以文藝  
相角逐子壯皆引重之孟陽平日以氣節自許感憤時事慷  
慨欲從戎已而贛州破遂球殉節擁戴議起孟陽知其無成  
遂歸隱不復出子鈺字崑玉甫九歲日念大母即從蒼頭行  
數十里往省人咸異之未冠補諸生有文名領隆武乙酉鄉  
薦鼎革後隱居教授其學以明體達用為主父病衣不解帶  
凡六閱月夜率兩弟露禱願以身代父病愈人以為孝感年

六十一卒臨沒呼子弟語以學諸子哭輒止之曰吾返吾真

耳痛何為口占一聯而絕聯云紹尼山之心學用舍隨時悟慈嶺之真詮去來何著為文

善于論議明白深粹著有世紀史鈔五傳彙鈔諸史彙鈔古

今樂部草堂文集凡數十卷子演別有傳據粵臺徵雅錄番禺志阮通志修

王邦畿字誠齋嘗事僧函是名今吼字說作崇正時副榜貢

生舉唐王隆武乙酉鄉試隱居羅浮以詩鳴著耳鳴集其學

殖富意匠深雲浮拙流別出于嶺南諸君子間嘗感時作戊

子歌激切近變雅其詞曰歲維戊子月建乙卯饑饉為災多

食不飽當胃腕間如虛苦燥小婦不量多病又惱薪貴于玉

人賤于畜一豕萬錢一妾斗粟見于陌者藤形腫足路有死

人白茅不束濯濯者山明星燦燦吁嗟廣廈雕梁折爨鳩居

鵲巢主人鼠竄不能鼠竄朝夕供飧雖則供飧猶恐不繁束

黃州府志卷一百二十一 列傳九



刀入市奪人之食駕言行邁擄民供役千里不飯中道絕息  
娥娥者妝羅列成行幾微失意飲劍以亡或撻未死逐出路  
傍見者吞泣不敢匿藏莫高匪山莫卑匪履行行必有  
終止民之憔悴莫甚于此哀哀蒼天亂何時已子隼別有傳

據錢謙益撰序耳鳴  
集阮通志番禺志修

黎延祖字方回遂球長子以恩貢廕錦衣衛指揮僉事明亡  
隱居不仕王士正祭告南海訪之序其瓜圃小草及還延祖  
送以詩云駐蓋便尋遺逸士懷鉛還問舊孤忠相逢一賞猗  
蘭操不覺哀絃在纓桐一時名流交相引重為詩多悽楚之  
音自稱禺海七十遺民弟彭祖字務光歲貢生早有詩名著  
醇曜堂集國變與兄俱事僧函是名今彭字遠公延祖名今  
延字達公陳子升寄板橋黎方回務光詩板橋霜色帶芳籬  
四海才名悵昔時流水竟孤琴一曲臨風長見玉

雙枝藏書曝日恩猶在裏革終天淚總同族啟明者字晦生  
垂國士只今慙馬隊凌江不用奮長離

喜談論尚氣節遂球既遇難啟明無意當世盡散其家產父  
老逼之婚新婦入室炳燭相對危坐達旦而逃己丑為僧于  
雷峯名今墮早卒洎先字含孺諸生僑居順德陳村能詩有  
韓言集子二長玉書字紱臣邑諸生有雪窗集次彭齡字顛  
孫為人温然如玉簡默無他嗜詩新豔可喜而氣格軒朗與  
兄玉書二十年同一布被食息唱和不稍離後同死于水著  
芙蓉集彭齡子方潞亦以詩名于時順治十一年甲午舉于  
鄉宦欽州學正番禺志論云高明合吳江鈕琇著觚賸謂方  
潞少時有流落天涯之卜欽州有天涯亭後  
以從吳逆失官流落至此按方潞卒老于家無從逆失官事  
不知琇何故造此巖之據番禺志蓮鬚閣集中洲集修  
王鳴雷字震生父者輔字汝珩勤學好古授徒修脯盡以購  
書事母孝母嘗患疽口吮其蟲出之遂愈晚補諸生充歲貢

不仕鳴雷聰慧早知名隆武乙酉鄉試鳴雷兼五經考官驚其才欲首舉之以格于例置榜末廣州擁立授中書舍人大清兵克廣州與羅賓王俱下獄既得釋乃踰嶺北遊燕趙往來吳楚歸而自題所居曰窮室為醉鄉侯傳以寄意時秀水朱彝尊新城王士正至嶺表俱重之嘗學于梁朝鐘為文有師法奇古奧勁似戰國諸子康熙初與修廣東通志時稱典核著有王中秘文集空雪樓詩集同時凌民鑰字點蒼凌邊人早補諸生為人恢奇倜儻富才華崇正九年以歲貢官連平州學正權州事國變棄官歸有宦溪草一卷民鑰族人騰龍字義御少博學善文與民鑰齊名崇正十二年己卯十三年庚辰兩舉副貢初僉事張邦翼督粵學哀集粵文二十三卷晉江楊瞿峽欲為補遺屬騰龍編校騰龍于是博采而

合輯之名嶺南文獻摘要嘗與東莞蕭奕輔為密友奕輔為福建巡撫遣使迎之不往後死于亂兵文集散逸不傳又李

果卿者手輯經史及說部若干帙日丹鉛之攜至京師示博羅尚書韓日纘日纘舉帙中僻事問之無不立應目為行秘書著松風閣草以學官終

據番禺志 阮通志修

曹麟字聖瑞五鳳莊人父遇寇投水死麟求父不得抱母木主同沈于江時南海龐倬年十三順治三年克廣州殉父死

據番禺志 志修

與麟並稱二孝子區科同韋涌人十歲喪父母哀號不輟水漿不入貧未能葬停柩于村前塹墩科同隨往露處其旁朝夕掃柩扶服號泣風雨不避時或哀極而仆族人矜之為亭使覆焉旬月卒以哀殞族人感其孝醵金并其親葬之名亭曰思親亭至今其

址尚存云據番禺志修

方國驊字楚卿數歲而孤奉母依舅氏治經過日成誦博極羣書落筆為文日萬言如湧泉語及忠孝大節則裂背奮臂不屑屑為鄉人由是知名海內士大夫爭與之遊或延居師席命子弟執北面禮脩脯所歸以養母餘則解贈貧乏廣購書籍不事家人生產得千金輒散去弗惜也明代甲申之變慨然有澄清志嘗北面慟哭不與闖賊戴天中偽隆武乙酉舉人授翰林待詔未幾鼎革杜門學圃著書受徒從之遊者數百人皆國士也教其子以耕稼課之詩書期以忠孝不汲汲于名利自銘其堂曰學守世稱為學守先生年六十一卒長子顥愷邑諸生鼎革後祝髮為僧名成警方外有傳次子曰廣武舉時與國驊善者梁啟運字文震北亭人萬歷副貢

以女妻國驊子顥愷少嘗寓波羅嗜讀兵法律歷之書與東莞袁崇煥相往還又嘗與黎遂球有恢復明祚之志後知事不可為築水雲別墅隱居不出雅善鼓琴工寫竹與梁森琅皆稱一時高手歿以別墅施僧今北亭水雲寺是也子龍躍

康熙歲貢

據廣東新語波羅外紀采訪冊修

區熙字成熙號若孩天啟朝由順德縣學中式元年辛酉科副榜四年甲子科舉人任廣西南甯府宣化縣學教諭生平耿介剛直教人則循循善誘務以敦實行正士習為先尋陞吏部司務時流寇逼京師熙聞命即攜一老僕慨慷登車中道聞國變椎心泣血北向罵賊不食數日卒據番禺志修

羅定材字君簡永歷時官都司兼參謀性俠烈嗜酒善隸書能詩著有夢鳥集庚寅廣州城破定材尙戎服執兵從容城

中鄰人張廣見之勸其棄甲兵圖自存定材曰死則死矣豈今日所能免乎然棄甲而死儕于凡民不若披甲而死為明臣也兵至巷戰揮刃殺十餘人力竭被獲不屈死年三十八妻周亦殉難同時鍾國寶隆武錦衣衛丁父艱居里間城破後將搜錄舊職乃自經死母吳妻黎闔門俱縊又潘紹霖以副總兵同武陟伯閣守義守南雄兩王兵破南雄守義力戰死紹霖亦死之其死于廣西者張子虬字康遇中隆武科舉人授博白教諭永歷授興業知縣興業破殉焉據采訪冊番禺志修

番禺

南海李徵虜分纂 南海梁 起初校 番禺金佑基再校

番禺史悠泰三校 順德羅 槩四校

廣州府志卷一百二十終

廣州府志卷一百二十一

列傳十明 順德

譚漢

黃友信

區賢

何淡

羅顯韶子子房

羅忠

伍善

麥成

區世榮

鄧珩

龍敏

張泰

梁昉

陳斌

何昌

張善昭

康麟

梁文冠

子景行 景孚

黃澤

趙善鳴

李孔修

廣州府志卷一百二十一

列傳十

李瑜

鄧琪

張希載

鄧翹

鄧德昌

黎暹

何玘

孫孜 孜子紹裘

梁魚

陳綬

梁奎

蘇葵

弟仲 履中

從子範

族孫

黃著

子啟讓

孫在衮

在裘

鄧炳

鍾華

鍾曉

子干

洗光

洗文淵

黃璋

鄭應新

父翼

子用淵

劉士奇

梁億

余經

何瑜

阮珩

余尚卿 尚卿子光裕 南海黎晟

區瑞

鍾善經

張潔

張拱辰

王鳳靈

何彥

羅萬里

弟萬程

關祺祖

張纓

弟綱

明

譚漢順德人性訐直而篤孝父母伯叔俱早喪惟叔母蕭在漢年踰四旬率婦與弟事之如所生歷三世一門四十餘口

同居共爨庭無間言

據廣州人物傳修

黃友信永樂間為理問所吏讀儒書考滿赴部冠帶從征甘肅自募驍勇屢立戰功士庶感戴績聞于上超遷河南道御

史轉工部員外郎

據黃通志修

區賢字德夫西潞人永樂二十一年癸卯解元宣德五年庚戌進士授南京戶部主事歷官九載卒于任比卒而正郎之

命始下居官清介嚴于取與居家仍故素身後不能庇其子

孫都人士咸仰慕之崇正間其姪孫龍正始構祠以祭據張府志

何淡字中美葛岸人正統二年丁卯鄉薦天順元年即景丁泰八年

丑進士除知山東濱州適蝗旱且多無名之徵淡至以勸相

耕農為首務定糧役料物以貧富為差書為由帖預給之聽

以粟麥布絹通融折納其病民者一切罷之及期不待督而

賦集暇取呂氏鄉約教民每鄉慎選老人親為演說以訓其

閭里按季查考民以惡聞則召其鄉老泣謂之曰吾不能化

若與若不能化鄉其罪一也然吾則罪首也民苟三犯吾當

自劾求退于若何如各慚謝而去訟為之稀例得皂隸馬夫

折薪錢悉移應公務乃新學宮修禮器延聘師儒聚民之秀

者教之初士習鄙悍解額荒甚自是科第煥赫甲于他州巡

撫賈疋疏淡異等請書姓名于御屏堪備京堂之闕有旨旌

異輿論稱其廉明仁恕所定徭役後守宗以為法丁內艱去

士庶醵錢二十萬謀踰境送之鄉老余良勝輿至臨清致贖

淡正色却之良勝負還散于眾不匿一錢蓋化于淡也後貌

淡像祀諸龔遂祠服闋入為工部虞衡員外郎奄人請託不

行陞湖廣漢陽知府郡多魚利民爭訐又為親藩所擾悉奏

革教民力田為築陂堰使灌溉江右布商誘民取倍息與訟

相讐殺痛繩之民始安居尤重學校所教士多取科甲前此

未有也民歌之曰何太守築漢陂飢得食寒得衣陞貴州左

參政時生熟苗相攻郡縣騷然巡撫議用兵淡請招之會朝

命下如淡言巡撫即檄淡往淡單騎深入諭以威德遂釋甲

返故土以親老乞歸時年纔五十餘與從弟副都御史經內

弟參政李聰同時致仕人以為難淡居官三十年家產無所增貧至不舉火晏如也暇課僕種園蔬以自娛卒年七十五從弟經字宗易景泰五年甲戌進士成化初為工部郎中荆襄盜起經從尚書白昂征之親犯矢石獲賊首劉千斤又追捕渠黨石和尚于西蜀嘗劾侍郎霍宣宣罷職踰年擢貴州左參政士官金鐸不法經奏執之陞雲南右布政士官昂貴謀為不軌平治之陞貴州左布政時兩廣大軍征荔圃諸蠻經獨當一面且攻且守諸峒悉平陞右副都御史撫治鄖陽民有此老如何不早來之謠致仕歸所著有平蠻集南遷稿京行百詠和兩廣觀風集督撫三藩等稿藏于家李聰字士達父德彰好學不倦謙厚自持善醫每以藥濟人不責其報正統己巳之亂眾推保障遂據險立柵極力捍禦賊攻北村

率眾援之斬獲無算民賴保全竟不言功聰為人曠達樂易不立厓岸成化二年丙戌進士授南京江西道御史成化間孝宗龍潛聰率先疏請立儲貳以定大本上意遂決既册立賜以綵緞尋陞嘉興府知府丁內艱起補饒州府湖水為患築堤捍民民稱為李公堤雨暘失節為民祈禱無不應民居被焚躬行救護須臾返風滅火有虎入城傷人禱于神擒虎殺之人以為異陞廣西參政未幾上疏乞休時年五十二知縣吳廷舉扁其堂曰見一卒年八十有四據黃通志順德志修羅顯韶字九成大良人簡默多智略正統十四年己巳時有黃蕭養之變避兵端州明年賊誅侍郎揭稽鎮廣顯韶與鄉耆羅忠兄顯庸等詣軍門上書請置縣其畧曰忠聞失大小之權者不可與言智昧遠近之利者不可與言謀故善智者

圖見于大善謀者定計于遠見大故能察微而知著計遠故能因亂以成功伏見邇者黃賊之變起自亡命擅帝號攻城邑潰走王師禍可謂烈矣當此時黃賊嗚呼而數境之民風靡應援譬諸禽獸一個負失百羣俱奔非其習有憚悍之積性有樂死惡生之逆也然而負不義之名以犯誅戮者何也今夫素之質白染之涅則黑失其體也金之性沈托之于舟則浮勢有所支也民之從亂猶素之染涅也得所恃則治猶金之托舟也然近年諸司諱言實旣治募空名撫字無恩防禦不肅故逞欲迂求者兆爭攘之端也姑息長寇者豐禍亂之道也任情翫法者賈苛刻之怨也是以上無固結之仁下懷離潰之志外無城郭之備內怵逼脅之勢漢人有言穿窬不禁乃致強盜強盜不斷乃爲攻盜蓋成于漸也此忠所謂

著微之機治亂之候者也然欲樹長畫而伐禍本則莫若置縣昔周王建洛邑本殷頑而思治齊桓城楚邱緣衛難以爲功故政惠而不費民勞而不怨何則以其圖見于大而能定計于遠也今大良其地遠于南海然西有排榜之峙東有迎暉之環前擁華蓋後鎮棋北山原如翼河流若帶此澤國之形勝也因其地而置縣域以封疆防以城池治以官師聯以戶口齊以科教如此雖復有黃賊之變無能爲矣其樹長畫伐禍本之道計無易此乃議者或曰兵荒之費無所出殘傷之民不可役是習瑣瑣之細非可與論于大道也夫扁鵲治病以刀刺骨雖有小痛而長利在身君子振亂用民爲役雖負時怨而久福在國故甚病之體以忍痛爲利暫勞之民以永逸爲福故曰前事者後之鑒惜小者大之費惟執事者圖



之于是侍郎嘉納竟奏行其後民無兵擾者八十年顯韶忠庸等之力也景泰初有司治賊之餘黨鄉民陳琛等坐誣將戮顯韶曰治盜本以安民乃用誣而枉誅戮何哉詣有司力爭得釋顯韶之妻家沒于賊鄉豪爭籍其產分予之顯韶曰乘人哀而利取吾不為也竟不受知縣周亶治稱廉平卒官不能歸顯韶捐十金為助于是鄉人爭持金為賻其好義蓋天性然也別號東澗人因稱東澗義士縣大夫過式其閭咸比之龐公焉及卒郡高士唐璧為東澗賦弔之子子房字宗傑成化十六年庚子舉于鄉明年會試不第歸築卧愚亭奉母為樂母卒執喪盡禮尚書吳廷舉治縣時聞其賢數諮問民間利病子房棘棘言之縣積疑獄囚乞鞠不已廷舉無以自決曰安得宗傑言可決也人詣其所請言子房不可及廷

舉以密叩復棘棘言如故人得理于官獻百金為壽子房大咤曰言時未知有子何得污我宏治八年復入京謁選知永福縣永福故近邊地苦瘠耗習猾而俗夷且盜藪也至則覈征租平徭役招流亡立城障戒巡徼實倉庾又葺廢墜禁巫譏崇禮興學治皆以廉先之初縣大猾張月麒縱其子殺徐姓二子亡不得夕有二烏遶卧所號鳴怪之從走卒微行廉知其狀遂捕月麒及其子棄市監司重之奏治行為廣西第一居無何乞致仕父老聞將歸走泣堂下歸之日無十金之囊及卒子鬻其祖所置產為喪葬具

據羅司勳集修

謹案明以來順德邑志立縣之書皆指為羅忠作羅天尺五山志林云先十世祖忠滄洲集有上揭侍郎書則當時刻入已集非他人可混順德姚志有忠傳

殊簡畧陳志又有羅顯庸傳云與弟顯韶倡議建城上書揭侍郎而不立韶傳至羅子房傳乃有父顯韶與鄉耆羅忠等詣軍門獻書設縣語則是時忠與顯庸顯韶同建議而書出自忠也順德志三人合傳阮通志本粵大記以韶子子房較顯以書歸之韶又刪去忠及顯庸名亦不實矣今從阮通志而補入忠與顯庸名以昭信云

伍善古朗人賊至乞存病母賊許之使牧牛深箐中減所食之半為乾餼攜之逃歸食其母道阻于河禱天得附竹以渡及家母尚存據順德志修

麥成麥村人兄清菴為賊執自赴賊所願以身代兄釋成竟被戕據順德志修

區世榮字蘭坡鷺洲人賊至其世母何以簪珥盡付世榮自抱子璉逃去事定世榮躬自行求偶經從化留溪洞遇婦負兒汲者近之即何母子蓋備食他縣矣亟贖以歸悉還所付而分以祖產璉長何母戒勿忘兄德世榮亦以壽考終據順德志修

鄧珩水藤人正統己巳賊至其鄉焚掠珩父遇害兄弟奔散珩負母麥氏避難過烏柏涌遭刃傷足不能行賊殺之數日面如生兩目下有淚痕見者異之據郝通志修

龍敏號松巖大良人正統末黃蕭養入境脅敏歸附敏抗義不屈偕二子淵源闔門八口同死止存幼子澈外戚何氏撫而育之澈子宣和宏治五年壬子舉人晉江令孫堯達嘉靖二十八年己酉舉人永定令據郝通志修

張泰字叔亨甘溪人景泰四年癸酉鄉薦成化二年丙戌進士除知沙縣時經鄧茂七之亂泰撫綏招集流亡盡復入爲御史偕同官諫萬貴妃干政廷杖幾斃出督京畿學校以憂去家居十餘年宏治五年起故官按雲南孟密土舍思揲構亂以兵逼木邦宣慰使罕宐法于孟乃砦守臣撫諭不聽泰與巡撫張誥集兵示必討思揲懼始罷兵滇池溢爲民災泰築堤以弭其患還朝乞罷織造內臣減皇莊及貴戚莊田被災稅賦給畿省災民牛種詔止給牛種餘不行寇入永昌甘肅遊擊魯麟委罪副總兵陶禎總兵劉甯疏言守臣不和詔泰往勘泰奏鎮守太監傅惠故總兵官周玉侵據屯田巡撫馮續減削軍餉寇數入莫肯爲禦失士卒六百餘馬駝牛羊二萬皆不以聞帝怒下之吏惠降內使錮南京續編氓口外

泰又言甘州膏腴地悉爲中官武臣所據仍責軍稅城北草湖資戍卒牧馬今亦被占請悉歸之軍且推行于延甯二鎮詔皆從之遷太僕少卿改大理初蘇州民田多爲牧馬草場所侵又侵御馬監及神機營草場皇莊貧民失業草場亦虧故額孝宗屢遣給事中周旋侍郎顧佐熊翀等往勘皆不能決至是命泰偕錦衣官會巡撫周季麟復勘泰密求得永樂間舊籍參互稽考田當歸民者九百三十餘頃而京營及御馬監牧地咸不失故額奏入駁議者再尙書韓文力持之留中未下及武宗嗣位文再請始出泰奏流亡者咸得復業尋遷右副都御史督儲南京奏釐革十二事多報可正德二年召爲工部右侍郎踰年遷南京右都御史泰清謹劉瑾專權朝貴爭賂遺泰奏表至京惟餽土葛瑾憾之其年十月令以

南京戶部尚書致仕明年七月卒撫他事罰米數百石瑾誅予葬祭如制泰謙和孝友兄順庶出母欲薄分其產泰泣諫均分從之夫妻相待如賓每見必揖至誠接物未嘗言人過失喚僮僕不加聲色儉約自刻官至六卿先產不增毫末蓋其所養有素矣

據明史本傳  
黃通志修

梁昉字景熙石碕人博學強識景泰七年丙子解元天順元年丁丑進士年甫弱冠授蕭山知縣禮賢興學疏言致仕尙書魏驥年近期頤請賜存問從之陞雲南道御史擢浙江僉事監試得狀元謝遷爲舉首平生冰蘖自持執法不阿卒于官無一錢尺帛以遺子孫同鄉倫善字國寶景泰七年丙子鄉薦成化十一年乙未進士合龍溪有學有守民愛之如父母

據黃通志  
漳州志修

陳珣龍山人天順三年己卯鄉薦成化五年己丑進士選庶吉士授監察御史時宦官汪直筦西廠詔答京師橫肆羅織商輅項忠疏罷之御史戴縉上言汪直功德不宜罷復用事未幾戴縉遷都御史珣與同官郭和上疏曰汪直奸邪小人竊弄威權締結朋黨紊亂朝政擅起邊功皇上頃罷西廠人心大快今復令直提督其勢益張天下但知汪直而不知皇上請將直正典刑以爲奸邪之戒上優容之巡按雲南討巨賊賑飢民撫叛夷歸侵地有王射者藉汪直詐稱使者至滇珣械歸于京師而鎮守太監錢能直黨也其事珣未嘗不側行踧踏然珣氣盛弗爲禮會能掠取鎮內寶石子女及納夷賄許以土地印信諸不法珣遂劾能與直朋邪相倚害民啟覺直等齟齬其間逮珣論治謫戍居庸子應科上書訟冤杖

于午門外及科道論救乃放還田里是時珅直聲聞天下當塗甚重之據獻徵錄郭通志郝通志修

何昌字克昌黃連人明初法峻人莫肯為郡縣學生有與昌父怨者籍其兄為縣學生昌曰朝廷建學育才者登庸貴矣何免為遂代其兄為南海學生後南海分立順德遂為順德縣學生天順三年己卯領薦筮仕浙江麗水縣鄰邑有劇寇鄭亞八者流劫為害密捕擒之一郡獲安丁憂歸民不忍舍服闋補任宣平宣平故麗水分也道出麗水民爭迎焉邑方草創乃修學宮置祭器繕公署樹坊表嘗請減坑課辦額歲銀千兩兩邑民戴其惠入覲考績居最力求歸與大參李聰友善邑令吳廷舉重之年七十卒後宣平人潘湘來為清軍御史立遺愛坊以表之孫宏鰲字道充舉正德二年

丁卯鄉試九年甲戌任通州學正待庠生嚴而有恩于禮餽有無厚薄不計試諸生輒自具饌業成者進之荒而嬉者弗貸鞭責士用感勵嘗有當道按臨責其禮節挫抑之宏弗屈提學御史林有孚以行檢繩師儒鮮當意者獨重宏及聞以憂去惜不獲見之宏在官五年革弊甚多其法至今可守丁憂服除補泰州學教如通州歲飢巡撫發廩遣其弟子監之曰何先生弟子必不欺也尋轉六合縣令均民役闢浮屠禁奇衺淫靡之習有貴戚與豪民訟久弗決刑部以宏往決之溧陽民坐殺人拷死相繼不白宏白之嘗具獄上御史田頊三反宏三執人為宏危頊竟薦宏後為南京御史首疏銓曹弊事終德安知府踰年致仕呂柟為作去思祠碑記極稱其賢鰲字子魚宏治十七年甲子弱冠魁南粵正德三年戊辰

登進士知慶元縣慶元在萬山中獷悍難制豪猾持吏短長  
鰲至取首惡誅之治甚有聲召為御史佛朗機以入貢為名  
兩臺不許遂治區脫東莞之南頭潛至京師見部不拜朝欲  
位先諸夷鰲與御史邱道隆奏驅之出境按湖廣持大體擢  
守松江副使浙江黃通志云嘉靖庚寅進山東副使改徐淮兵備定驛傳約  
法歲省數萬築堤自沛至徐延互百里河不為害擢福建左  
參政湖廣左布政卒翼字子時弱冠以文名督學魏校器重  
之嘉靖元年壬午以禮經魁鄉試八年己丑復魁南省進士  
授兵部武庫主事督教武學有勢家人武學察其冒籍黜之  
勲胄斂戢尋移疾歸養當路造其廬咨詢民瘼靡不悉其肯  
綮邑人陰受其福而不知其自也別駕沈文淵貧不能葬邑  
博士滕鳳客死廣州不能歸皆白于當道資遣之嘗立祖祠

以睦族出義穀以恤隣里人多稱之撫按先後九薦不起年  
六十卒所著禮經劄意藏于家思贊鰲子字紹襄原名思聰  
嘉靖二十八年己酉鄉薦改思贊明年庚戌二甲進士授南  
戶部主事歷員外郎中遷梧州守練達有聲隆慶初擢福建  
鹽運使商人供應悉却不受滿三載辭官歸晉階中大夫  
優游林下三十載年八十二卒曾孫光歲貢高要訓導廉恕

有祖風據阮通志修

張善昭字彥光龍山人天順六年壬午舉于鄉入監試吏部  
授兵部司務尚書余子俊甚才之嘗條陳選法臺官惡其越  
俎而中之不可得選例官部首領者歷三考乃得敘遷善昭  
未滿九載超擢四川按察司僉事不常有也以治屯田事終  
為臺官所揭左遷鳳陽通判改判臨江先是練子甯姻戚逮

成臨江者八十餘人善昭上疏曰子甯忠貫日月太宗謂若子甯在朕固當用之仁宗亦謂方孝孺等忠臣夫既忠之矣何外親末屬尚以奸惡賜配百年不宥哉乞復其家疏雖不行中外皆壯之尋致仕歸孫潔別有傳據順德志修

康麟字文瑞龍江人妙觀子禦黃寇之役麟為諸生與戮力焉景泰四年癸酉舉于鄉明年甲戌成進士以御史巡按關中發奸摘伏如神辛巳出為福建僉事提督屯田按伍覈畝歲增子粒二萬五千八百餘石報績賜敕褒美所部指揮四人同犯法麟廉得狀實將窮治之行賄求免竟置之法有冤獄久繫審脫其罪獻白金亦卻之自以剛直忤物尋謝歸署所居曰介軒陳獻章賦介軒詩以贈居恒工詩著雅音會編十二卷集唐什以韻編類藝林稱焉又著世教錄卒祀鄉賢

據廣州鄉賢傳順德志修

梁文冠字華卿鼎新人先從陳獻章遊因率其二子景行景孚學焉文冠館于白沙碧玉樓獻章名曰見玉謂碧玉也數年不返日見意趣詩學益進景行字宗烈見獻章聞勿忘勿助之旨益潛心正學宏治二年己酉鄉薦知崇明歲飢請發倉賑之活者數萬邑多盜海上桴鼓盡鳴會有執盜至者釋令迹捕宿盜盡擒婦女惑于巫祠宿求嗣因為奸收按誅之毀祠為社學故事令有荻稅入私橐景行以給諸生膏火朝廷采木荆南道崇明司木者檄費十餘萬景行爭之省五六萬又請減馬糧之半諸雜供盡革之改晉江未赴丁內艱服除不起都御史吳廷舉薦景行可京官及郡守兩廣巡撫張鼎亦薦可侍從風憲皆不報後廷舉巡撫應天又以郡丞薦

乃除鎮江府同知相國楊廷和假子殺人論死楊一清時寓鎮江為請罪降一等不聽上驗聖學察黨與廣分封嚴內侍蠲逋負比什伍六事于朝遷壽府長史歸蓋二楊所頤指也景行孝待異母弟怡怡如也有司欲為治第固辭獻章嘗題其天壺書屋曰打土編茅費幾錢白雲深夜一燈懸知君不其壺山王只借壺山過兩年蓋以范希文邵堯夫孫明復胡安定四公期之也所著壺山集十卷傳于世景孚字宗正獻章有和景孚遊山詩景孚聘妻獻章助穀三十斛據粵大記獻徵錄郭

通志順德志修

黃澤字曰雨石碯人順德志字若甫宏治五年壬子解元明年癸丑

成進士嘗從陳獻章學獻章聞澤發解有詩笑領春風第一花文章誰敢傍飛沙狂歌欲買花前醉不怕無錢付酒家澤

性豪舉博學工詩善真草書初計皆同舉人何欽疫僮僕盡

死澤獨負欽至館省治踰旬而愈人義之據白沙弟子傳順德志修

趙善鳴龍江人少孤每誦白沙詩心輒馳慕成化十一年拜

門下宏治十四年辛酉舉人仕南京戶部員外郎陞知府工

書法行草入神品為世珍寶稱丹山先生據白沙弟子傳西樵遊覽記修

李孔修字子長大良人自號抱真子僑居廣州之高第街混

迹人羣闐闐不識也張詡薦于陳獻章孔修遂往江門師焉

獻章亟稱之名由此著孔修常輸糧于縣縣令異其容止問

姓名不答第拱手合叱之曰何物小民乃拱手耶再拱手令

怒答之五竟無言而出有庶母父歿改適誣孔修奪其產縣

鞫之孔修操筆置對曰母言是縣疑焉得其情乃大禮敬素

家貧做廬薄產蔬食不繼未嘗鬻眉詩字不履前人自為戶



牖或觀山水歸而圖之見者爭愛而酬之攻周易城中兒童  
 婦女皆稱曰子長先生間出廬戶則遠近圍視以為奇物吳  
 廷舉由縣令歷藩臬在粵最久與孔修為布衣交兩人高風  
 在塵埃之表粵人常道之此兩人亦相成也孔修卒無子憲  
 使李中少參王洙經紀其喪尚書霍韜葬之西樵山志其墓  
 曰白沙抗節振世之志惟子長張詡謝佑不失或問子長廢  
 人有諸陳庸曰子長誠廢則顏子誠愚庸與子長同師故相  
 信如此萬歷乙未祀鄉賢子長善屬詩有月明海上開樽酒  
 花影船頭落釣簑之句為獻章鑒賞云五山志林王中秘文  
 集有與李伊合書云  
 吾鄉李子長先生醇謹端慤間其亦有妻每食必舉案酌肖  
 梁伯鸞為人吾因輯其詩歌以繼五噫當國家無事時天子  
 三年一舉士士之賢者無論懷才抱義皆得試于有司有司  
 擇其賢者上之天子為鄉舉士試日有司坐大門左諸生頭  
 伏囁嚅足緣行衣單衣披髮纓聽點點官督軍牢軍牢雁行持  
 火杖督諸生頂至踵無不轉換掀揭破除其夾襖積弊時子

長年方少將詣院奮然不悅曰朝廷至大何若是疑士士至  
 小以不肖相視此豈朝廷所以待士耶即棄硯去不復入後  
 有司聞其賢乃于貢院旁築擲硯亭今伊令子長曾孫也醇  
 謹端慤有祖風時天步艱難已棄儒冠不復仕僕去年春交  
 伊令因懷子長期相與遊黃山約三十六峯結茅其上羅天  
 尺曰吾鄉皆傳子長先生無妻今聞王中秘書乃有伊令為  
 聞孫其非無後人可知又曰子長嘗從白沙先生講學得無  
 欲之旨操行廉潔人不可得而衣食之布政使朱英餉米二  
 十餘石固辭不獲乃悉舉所有瓶盎盤匱之屬以貯米纔容  
 一二石許餘則不受遇空輒畫貓兒賣之毛骨如生鼠見驚  
 走其山水翎毛亦精絕人爭寶重然皆不肯多畫平居大帽  
 深衣人希見其顏面間出擇地乃蹈遇雨輒拱手徐行人曰  
 先生何不趨雨凍透衣矣曰前路豈無雨耶行益從容人皆  
 笑之晚于道深造年九十餘無疾卒今西樵祭社以子長配  
 為社師云據粵大記獻  
 徵錄郝通志順德志修  
 李瑜字伯温鼎新八年二十進邑庠補廩從陳獻章講學江  
 門每事悉循獻章教篤志有為改過不吝雖淡薄自甘而志  
 在濟人獻章推重之以吳康齋所書雪竹作讚以贈之表其  
 高尚與湛若水相友善同處白雲洞上遊莊凡十年窮達各

行其志力學至老不休年八十有二卒若水臨墓致祭輓詩  
作傳大司農張泰少司成周賢宜各有表銘刻于石據順德志修

張希載字博之龍山人從遊陳獻章嘗誨之曰君子之心常  
存恐懼于善有未遷于過有未改恐生懈怠于靜曰惺惺于

動曰惺惺恐生冥醉湛若水曰昔遊白沙惟柏山張子學有  
端緒柏山即希載也正德年間貢教諭攸縣性和藹而不肯

詭隨士薰其德不嚴自化云據阮通志修

鄧翹字孟材龍江人善墨竹以正德歲貢教諭浮梁陳獻章  
答翹送晚菊詩曰氤氳何處送花舟歲晚相看碧玉樓笑把

一盃花亦笑年年公酒為花留鄧琪亦順德人據阮通志修

謹案明新會志所編弟子傳有鄧琪無鄧翹舊順德  
志張希載與鄧翹鄧德昌合傳而不及鄧琪豈翹即

琪耶侯考

鄧德昌字順之水藤人篤學居西樵築鐵泉精舍讀書其中

湛若水極相推重晚年以其學授傅明應稱賁齋先生德昌  
司訓最有名聲祀應天名宦祠云據阮通志修

黎暹字景升鷺洲人穎博能文成化元年乙酉領鄉薦卒業  
胄監為祭酒邱濬所稱授金華府同知當道有述作必出暹

手罷歸構羅江書院吟嘯其中凡頌德勒功哀誄銘表之文  
人多求之一時薦紳皆以為莫及有求誌生壙者以腴田百

畝為壽誌成竟返其券垂老命工像其貌于書院又自誌其  
墓其曠達如此有草庭藁藏于家據黃通志修

何珖桂圃人成化四年戊子鄉薦十一年乙未進士知桐廬  
縣立三限催科之期禁吏卒下鄉之擾剖決中理吏不敢奸

閱四載以才行超卓擢監察御史

據浙江通志修

謹案順德志云官參政又南海志云為梧州知府平易近人民不忍欺但載鄉科戊子不書會科何也

梁魚字克龍龍頭人成化七年辛卯舉人知平樂縣平樂縣小役煩魚至比籍均役草田之賦蠲之善撫犴獍泊甚有聲遷賓州知州思恩土官岑濬為逆奉檄往諭濬進兼金不受也後為部使者所斥拂衣歸使者愧謝留之不可賓民思之

據粵大記修

梁儲字叔厚初號厚齋更號鬱洲石碯人生有異質自幼穎異不凡篤孝友父祖順奇之弱冠博學能文受業陳獻章舉成化十年甲午鄉試十四年戊戌會試第一選庶吉士授編修尋兼司經局校書侍孝宗東宮講讀二十三年丁未充會

試同考官丁兩艱服闋纂修實錄宏治四年進侍講改洗馬五年壬子主考順天九年侍武宗于東宮十一年戊午兼翰林院侍講主考應天是年冬充正使冊封安南却其饋久之擢翰林學士十四年辛酉主試順天王戌奉詔教庶吉士十六年三月同修會典成遷少詹事拜吏部右侍郎奉命充正使冊封魯藩正德初改左進尚書兼翰林學士專典誥敕掌詹事府纂修孝宗實錄為副總裁正德三年戊辰主會試劉瑾摘會典小疵謂其壞祖宗制書雜以新例儲坐降右侍郎孝宗實錄成復尚書尋加太子少保瑾猶憾不已欲中危禍無由傳旨改調九月調南京吏部瑾誅以吏部尚書兼文淵閣大學士入參機務儲既至進武英殿大學士加少保兼太子太保時兵部尚書彭澤討賊有功反得罪力辨其誣曰有

功不錄復加罪非社稷之福也後澤止免官七年壬申冬四方盜平加恩宰輔屢加少傅兼太子太傅謹身殿大學士辭恩廕再三乃受進建極殿九年甲戌再主會試十年二月楊廷和遭喪去儲爲首輔進少師兼太子太師華蓋殿大學士時方建乾清坤甯宮又營太素殿天鵝房船塢儲偕同官靳貴楊一清切諫明年春以國本未定請擇宗室賢者居京師備儲貳之選皆不報其秋一清罷蔣冕代之至明年貴亦罷毛紀入閣帝好微行嘗出西安門經宿返儲等諫不聽然猶慮外廷知是春從近倖言召百姓至左順門明告以郊祀畢幸南海子觀獵儲等暨廷臣諫皆不納八月朔微服從數十騎幸昌平次日儲冕紀始覺追至沙河不及連疏請回鑾越十有三日乃旋儲等以國無儲副而帝盤遊不息中外危疑

力申建儲之請亦不報九月帝馳出居庸關幸宣府命谷大用守關無縱廷臣出由宣府抵大同遇寇于應州幾殆儲等憂懼請回鑾益急章十餘上帝不爲動歲除竟駐宣府當是時帝失德彌甚羣小竊權濁亂朝政人情惶惶儲懼不克任以廷和服闋屢請召之廷和還朝儲遂讓而處其下鳳陽守備中官邱德及鎮守延綏甯夏大同宣府諸中官皆乞更敕書兼理民事帝許之儲等極言不可弗聽十三年七月帝從江彬言將徧遊塞上託言邊關多警命總督軍務威武大將軍總兵官朱壽統六師往征內閣草敕閣臣不可帝復集百官左順門面諭廷和冕在告儲紀泣諫眾亦泣帝意不可回已而紀亦引疾儲獨廷爭累日帝竟不聽踰月帝以大將軍壽肅清邊境令加封鎮國公儲紀上言公雖貴人臣耳陛下

承祖宗業爲天下君奈何謬自貶損既封國公則將授以誥券追封三代祖宗在天之靈亦肯如陛下貶損否况鐵券必有免死之文陛下壽福無疆何甘自菲薄蒙此不祥之辭名旣不正言自不順臣等斷不敢阿意苟從取他日戮身亡家之禍也不報帝遂歷宣府大同直抵延綏儲等疏數十上悉置不省秦王請關中閒田爲牧地江彬錢甯張忠等皆爲之請帝排羣議許之命閣臣草制廷和冕引疾帝怒甚儲度不可爭乃上制草曰太祖高皇帝著令茲土不畀藩封非吝也念其土廣饒藩封得之多蓄士馬富而且驕奸人誘爲不軌不利宗社王今得地宜益謹毋收聚奸人毋多蓄士馬毋聽狂人謀不軌震及邊方危我社稷是時雖欲保親親不可得也帝駭曰若是其可虞事遂寢十四年己卯以一品滿九載

進階光祿大夫左柱國加特進兼支大學士俸仍賜宴禮部帝將南巡言官伏闕諫儲冕紀亦以爲言會諸曹多諫者乃止六月甯王宸濠反時帝將親征上自稱威武大將軍欲以幸臣朱泰爲副將軍召儲草敕儲不肯奉命上按劍強之至再爲免冠叩頭哭泣上擲劍于地不懌而罷八月帝南征儲冕扈從在道聞賊滅連疏請駕旋抵揚州帝議南京行郊禮儲冕計此議行則回鑾益無日極陳不可疏三上始得請帝以宸濠械將至問處置之宜儲等請如宣宗征高煦故事罪人旣得卽日班師又因郊期改卜四方災異邊警乞還乘輿疏八九上帝殊無還意是秋行在有物若豕首隨帝前色碧又進御婦人室中若懸人首狀人情益驚儲冕危言諫帝頗心動而羣小猶欲導帝遊浙西泛江漢儲冕益懼手疏跪泣

行宮門外歷未至西帝遣人取疏入諭之起叩頭言未奉俞旨不敢起也帝不得已許不日還京乃叩頭出帝崩楊廷和等定策迎興世子故事當以內閣一人與中貴勲戚偕禮官往廷和欲留蔣冕自助而慮儲老或憚行乃佯借儲億老阻其行儲奮曰事孰有大于此者敢以億辭遂與定國公徐光祚等迎世子安陸邸既即位給事中張九敘等劾儲結納權奸持祿固寵儲三疏求去是年五月儲罷加左柱國命賜敕馳傳遣行人護行歲給廩隸如制月給米六石歲撥輿皂八名蓋異數也嘗降敕褒之有曰張九齡之忠蓋而不究其用崔與之之風概而不久于朝以卿視之可謂兼美既歸上疏稱謝與親舊詩酒徜徉所居蕭然如韋布不事家產以遺子孫上念其定策扈迎之功未錄廕子世襲錦衣衛指揮上疏

辭免乃進其子中書舍人鈞甫尚寶司丞年七十有七卒是時楊一清在內閣上命撰敕召用而訃音至矣上聞嗟悼輟朝一日諭祭九壇子鈞奏請贈諡吏部侍郎桂萼等言儲立身輔政有干公議因錄上兩京言官彈章帝念先朝舊臣特贈太師諡文康先是儲子次攄爲錦衣百戶居家與富人楊端爭民田端殺田主次攄遂滅端家二百餘人事發武宗以儲故僅發邊衛立功後還職累冒功至廣東都指揮僉事孫孜字思伯少孤事母孝兄弟分產田廬取其庠下者弱冠充博士弟子歎曰安能屈首經生與造物競耶卽棄去與梁有譽黎民表歐大任輩爲古詩文尤好書畫以廕補中書舍人客部主事其所與游皆天下名士也徐中行王世貞謂其詩近中唐畫逼宋元楷書得文徵明結法爲人純雅恭謹故人

樂與之交孜孜紹裘能詩亦奇士

據明史黃通志五山志林修

陳綬字學之大良人成化十六年庚子舉人越十年成宏治三年庚戌進士戶部主事監通州倉著勤敏權蘇州稅持大體為關聽小舟出入遷工部郎中建沂府罪戕役童奄圖日陰晴察浮食得羨十四萬檄修聖廟會憂歸尋卒祀鄉賢

大記順德志修

梁奎字文燦大良人弱冠補諸生從陳獻章遊沈毅醇謹白沙雅重之居家以孝友聞趙督學區其堂曰愛日領宏治二年已酉鄉薦通判袁州閩郡稱其廉平撫按交移檄勞之值桃源洞賊薄城武將悉皆怯伏奎獨拔劍斫案曰誓不與此賊俱生遂上馬帥眾出戰大敗之俘馘甚眾益轉戰深入矢竭援絕墮馬遂遇害賊亦以此大創遁去不敢復向袁州郡

人謂微奎以死拒之則城幾不保矣事聞特旨晉秩二級祀名宦祠廕子世衡八品官其後御史姚涑探知縣吳寵議以忠義表其門督學張希舉設崇義祠並蘇劉義區瑞祀之

德志修

蘇葵字伯誠龍頭人性剛介不苟合舉成化十三年丁酉鄉薦二十三年丁未進士選庶吉士授編修宏治九年丙辰例充會試同考有權勢為私人通關節葵堅卻之因辭入試被讒出為江西僉事提督學校增修白鹿洞書院置田以贍來學者時鎮守太監董讓作威凌人葵守正不為詭媚讓誣奏葵遣法司盛洪等臨治洪閉門欲加葵刑諸生數百排闥而入擁葵出事竟白改督四川學政行囊無資兄政為建甯教官遣人周之既至修飾大益書院擇文行之尤賢者讀書其

中士愛之如父兄屢遷福建右布政使卒正德六年辛未關  
中李夢陽視江西學請祀葵于白鹿洞郭棐督四川學時請  
入名宦邑祠鄉賢所著吹劍集行于世弟仲字亞夫居碧江  
宏治十五年壬戌進士官戶部主事宦官劉瑾擅權凡奉使  
還者必餽謝仲差出天津湖廣皆不赴其宅所理糧餉率持  
正不為詭隨忤瑾意出為岳郡散官會大飢力請捐賑存活  
萬計平江流賊邱仁許清劫掠焚毀逼近城池仲建策追及  
城陵磯殺滅殆盡遷知象州築陋亭于後圃龍池上巨賊覃  
公伾等猖獗與官敵至悉誅之嘗招撫猺獞向之不入城市  
者至是聞風歸化御史舒晟薦治行第一會葵以己抗節幾  
不免促其勇退寄以詩云往事模稜堪鑒戒暮年完璧是行  
藏仲即乞休歸著有古愚集從子範字景賢宏治五年壬子

舉人任博白江浦浮梁教諭擢知宣城縣賑水患省無名之  
徵為守所嫉卒于官亦祀鄉賢族孫履中萬曆元年癸酉舉  
人多才學重信義鄉人稱之

據順德志修

黃著字子誠龍江人宋太史庭堅裔也父俊仕為登仕郎學  
行重于時以著貴封戶部主事著天性孝友負資穎異問學  
該博為儒士考輒居首以禮經中宏治二年己酉省試亞魁  
宏治十八年乙丑進士偕吳門徐禎卿顧鼎臣洹野崔銑西  
京段貝學為古文詞力追秦漢唐以下弗入目也正德元年  
授安溪令政先愛民盜不入境市師以爰書誨子弟著革之  
授以孝經俗為之變甫一年改知泰興脩學校繕城郭新茅  
忠烈之祠識名士田荆張獐于未達時逆瑾檄縣腐童三百  
以進著力却之陞戶部山西司主事管倉通州轉餉宣府權



賦潯陽皆著清操轉雲南司員外郎武宗親征宸濠著率部僚跪諫闕門外不聽越數日勅著督餉由燕潞趨金陵區畫有條上大悅賜大紅斗牛服駐蹕日久旨下議郊著語梁蔣二學士曰南畿而郊則回鑾未期矣二公稱善促著代草上之上感悟回鑾晉江西司郎中以足疾致仕仍以征南功賞白金綵段嘉靖七年覃恩進階四品京堂服十一年卒年七十有八子啟讓有雋才從學士黃佐游能詩以歲貢訓導上饒教人敦實行持已以古道與時弗偶陞廬江教授歸孫在袞在袞同領嘉靖三十四年乙卯鄉薦仕則不徇于時好居則不輕謁公府有祖風皆以詩名據黃通志 粵大記修

鄧炳字子幾順德志 字子光平步人宏治二年己酉鄉薦正德三年戊辰進士授南京刑部順德志 作戶部主事歷廣西副使兵備以文

學稱于時為人和易簡靜家無贏積郡守鄒守愚請為大賓固辭守愚躬往請其為時所重如此年八十六卒鍾華字美彰都粘人宏治十一年戊午鄉薦為興國教諭擢光澤令教民孝弟力田作教條諭之與炳齊名鄉皆稱為篤實君子二子善本宏治十七年甲子善言正德五年庚午皆登鄉科族子善經別有傳據黃通志 志修

鍾曉龍江人字景暘少沈毅寡言笑鄒智之謫石城曉師焉宏治五年壬子舉人訓導梧州督學重其學行檄主桂林書院九載遷國子監學正南京貴州道御史奏革錦衣金吾龍驤騰驤四衛冗員及工部冗匠歲省漕粟穀十萬効江西參政王奎參議王泰白金僉事李瀆皆宸濠黨也及宸濠平上思曉言賜金旌之刷卷四川諫迎生佛請召還使臣毋空糜

十餘萬又奏停采木蜀人德之爲忌者所排謫判沔陽遷知歸州先是湖廣忠路與四川石柱兩土官爭地相攻四十餘年兩省官不能決曉奉檄訊之片言而服同知瑞州進思恩知府致仕曉居官三十餘年貧約甚于寒士生平與物無競嘗治室樹楹矣比鄰惡其蔽已卽裁之年八十五卒祀沔陽名宦知縣方學龍以忠直名臣四字旌其門子千字君錫舉正德十一年丙子鄉試通判岳州遷瑞州同知禁溺女郡中羣盜數百由甯州厯敖橋出凌江虜掠獗甚千率部卒抵凌江殲其渠魁餘黨悉平建岳武穆文信國祠俗上元昇佛出遊駭動人民縻財幣不可勝數千出遇之毀其像杖僧還家遂盡毀淫祠爲社學俗爲一變沈鈇謂其父子濟美可以廉頑立懦白兩臺薦之年九十卒

據順德志修

洗光字汝實鷺洲人祖始自佛山徙居順德之鷺洲村長身玉立讀書十行俱下舉宏治五年壬子鄉薦九年丙辰進士授江西安仁縣潔己愛民善辯疑獄有寔人子誣陷大辟歲久不白光一訊立釋之百姓爲之語曰民無冤訟有洗燈籠訟無滯屈有洗三日言其明且斷也水災民飢光發賑不俟命存活甚眾縣有引鹽前官率利其羨光藉以輸公遂爲成例時進諸生講學勉以忠孝二院交章薦之丁父艱起補泰興四閩月召爲陝西道御史出按應天獎廉察墨風裁大著臨江民某商于徽以誣繫獄幾瘐死光廉其寃爲讞出之居臺七載疏毀佛像發劉瑾專權江彬誘駕巡幸罪侃侃數千言咸爲光危光不色動疏留中遂乞歸養母杜門十八年嘉靖戊子以薦起南京通政司參議轉太僕少卿晉南京工部

右侍郎所至皆有聲然為時宰所忌會太廟災援例自陳改南太常卿致仕去光廉靜正直居官無紛華之好解組林下不通冠蓋日從諸老人徒步田間問農桑無有知其為卿佐者卒後帝遣官諭祭子堯相廕京府別駕孫應芳萬曆二十二年甲午舉于鄉憲祖登萬曆三十八年庚戌進士別有傳

據南海志修

沈文淵字希哲新良人宏治八年乙卯舉人任松溪縣學教諭學優行潔訓士寒暑不輟與邑宰陳槐同官媲美正德四年擢知南安縣性方介以奸頑犯者無曲貸而愛民出真誠民感之徭役賦稅皆以時會無後期者居官清苦如寒士蓋素性然也邑民謠曰沈清清冷如冰陞南昌府通判民泣送而別至南昌知濠賊將變投檄遞去至家六日而卒提學副

使邵銳檄縣立祠以祀同年同邑黃璋字廷宜正德間知南

康廉介自持剛毅有執立旌善懲惡牌二于要地善惡直書

其名眾服其公卒于官士民哀之據粵大記修

鄭應新字孟元桂林人父翼天順三年己卯舉人合瑞金以

廉介稱歸里應新朝夕供奉教授生徒以給滌灑父年六十

遭奇疾應新偕仲弟宏治乙卯舉人宣平合應文焚香祝天

願以身代比藥石弗效醫言得臂肉可痊尋割左臂肉和藥

以進父疾頓愈延壽一紀應新子用淵每述父行誼涕泣泣

據順德志修

謹案阮通志云用淵據郭志以鄉薦不言科年歷官府通判亦敦行能詩云考順德志選舉嘉靖甲子有黎用淵為松江通判無鄭用淵明抄本題名是科無

黎用淵有鄭用淵注言鄭翼之孫又稱番禺人亦見番禺志豈即其人以黎姓由番禺籍而鄉薦耶俟考

劉士奇字邦正龍江人

明詩綜誤作龍門人

舉宏治十七年甲子鄉薦

正德十二年丁丑進士授刑部主事錦衣千戶陶涇枉法殺人言官請逮治不問士奇再請竟置之法轉員外郎嘉靖三年議禮與張濬諸臣伏闕哭諫杖不死已遷郎中陝兩藩府與有司給諫僉臬訟奉命臨訊論如法出守梧州梧州有關征饑時有奇羨士奇不為利民多竹舍失火延燒輒數十百家士奇表火道度數家障以崇墉災乃止在郡七年超拜廣西左參政悉心折獄有某甲者一家九人文致為盜幽囚數年士奇鞫而釋之奉兩院檄督兵平七山之寇以功擢江西按察使監試秉公柄文者欲私權要數令人諷之士奇執

不可晉山東右布政以病乞歸居官廉介家無餘資或傳士

奇常欲市蜺問其妻妻曰何不書清字與之杜門八十卒據獻

徵錄

梁億字叔永石碯人大學士儲弟也宏治八年乙卯舉于鄉正德六年辛未進士授兵部主事奉詔清核江西湖廣兵糧所過鎮將例有餽贖億曰受祿猶懼弗勝敢受非禮喪名節耶悉卻之尋改工部歷禮部郎中閱兵核餉議禮考制各得其當嘉靖五年參政西粵猺獞攻門騷擾近縣為民害召至蒼梧親為勸誠猺獞感之望風歸化尋致仕其兄儲正當國時也著有懷元集續賓退錄洪武輯遺傳信錄羅浮志億修眉峻骨燕頤虎頭而和易近人卒祀鄉賢據廣州鄉賢傳修余經字朝綱白藤人號石龍幼奇穎六歲矢口成文弱冠補

邑弟子員宏治十七年甲子領鄉薦痛父不得見泣然涕下諱日輒嗚咽不自勝築堂曰感梅以寓孝思著有感梅堂記事母至孝仲弟蚤沒視其遺孤如己出丁內艱哀毀骨立正德十五年庚辰舉進士是年武宗南巡輟廷試越明年辛巳世宗即位廷對後授行人奉使葬祭蜀王還贈幣不受復贈以詩士大夫因製皇華歸使詩卷以榮其行復命擢刑科給事中劾兵部侍郎胡世甯南京督學蕭鳴鳳廣東督學魏校人稱其直乙酉奉命清察兩廣錢穀會計不爽毫忽廷議大禮忤旨左遷漳浦縣丞朝論稱屈而經不少介自作詩曰岨疆每孤良友戒要樞甘讓別人登漳浦枕山瀕海向稱難治經履任民皆急公庭無留獄當道委攝龍溪篆經力辭擢甌甯令士民涕泣扳留泣甌甯甯二月卒于官甚貧撫按為遣

官護喪歸今會城仁厚里諫垣坊皆其子孫云

據金通志修

何瑜字汝忠桂圃人宏治中歲薦正德辛未丞祁門以善決獄聞冤嫌久訟歷政不能平者一鞫輒辨嘗署邑一鍰不染禱雨立應桃源賊萬餘掠婺源漸薄祁門瑜以能應檄出捕饋饑不繼以俸佐之眾心感奮邀賊于鳳亭一戰殲焉敘功賞金不受丙子紅巾賊起瑜復遮擊于柏溪俘獲甚眾當路表之令嫉其能遂乞休致邑人勒其功祠祀焉

據郭通志修

阮珩字國用黃連人少游邑庠兄死告歸事親喪形羸骨立宏治十七年甲子提學潘府巡視至邑珩出見即告歸潘心異之強令就試見其文優令復學補廩應試皆辭學中始述其孝潘益異之為四難文以彰其善又贈之以詩有百尺樓高孝子過之句檄縣以禮獎欲奏請旌表會潘以終養去

不果而珩亦卒余尙卿馬岡人性至孝為諸生直指毛鳳會考首拔之行潔喜施嘗直誣却其餽不較侵地稱長者子光裕孝友質直歷左長史居官廉正所至有遺愛黎晟字子明南海人事親得其歡心父歿哀毀骨立不飲酒不茹葷三年

喪母亦如之

據郭通志修

區瑞西涪人少為諸生有才名負節氣忤學官言于督學黜為吏後為德興典史捕桃源賊有功已奉檄修城萬年賊突至被獲欲降之瑞指其腹曰此中皆節義文章豈從賊耶遂被害事聞錄其子區健為古田典史與白沙弟子梁奎並祀崇義祠御史姚涑厚賻之以忠義表其門據順德志修鍾善經字理夫號常齋都粘人天性孝謹不言而躬行居父母喪不進鹽酪者百日終三年未嘗御酒肉雖盛暑必服衰

半武不出倚廬祭葬無少踰禮者出已貲創建家廟長姊早喪育二甥女如己女擇壻厚嫁之弟善綸先歿撫卹其孤寡同居共爨內外無間言少篤志學問以明周易補縣學生正德二年丁卯領鄉薦六年辛未登楊慎榜進士授福建興化府推官守法慎刑每讞疑獄部使者驚以為老吏不如也興化士大夫亡不譽其賢者楊日新假官入境勢張甚察案尊禮之至則詰以數語不能對則縛送臬司按治如律總鎮崔太監使指揮往鎖府吏竟叱去之崔怒求事中傷不可得及相見反屈服以御史徵抽分盧溝橋竹木廠授福建道御史武宗北狩力諫回鑾嘗劾錦衣千戶陶涪彈太監崔文芮景賢以風烈聞居無何以親老乞歸有司屢勸駕不起督撫巡院交章薦于朝未召而卒年四十有五卒之日貧不能殮當

道競周其喪弔者如市郡縣諸生以其行白于督學督學曰

賢如鍾御史固當尸而祝之也卒祀府學仰高祠據歐虞部集修

張潔字景川龍山人祖善昭有傳登正德九年進士授建平

知縣忤巡江御史賀洪改調廣昌訟洪罪洪坐削籍潔遷禮

部主事監督會同館尚書王瓊與都御史彭澤有隙以澤遣

使士魯番許金幣贖哈密城印為澤罪嗾番人在館者暴澤

過惡誘潔署牒且曰澤所為南宋覆轍也事成當顯擢潔力

拒曰王公誤矣澤與士魯番檄具在豈宋和戎比昔范仲淹

亦嘗致書元昊豈獨澤也不肯署尋進員外郎甲申七月諫

大禮受杖死年三十八

據明史本傳修

張拱辰字仰德龍山人善昭族子也少力田馬騶見而異之

妻以女騶以吏舉于廣右者也拱辰正德八年癸酉鄉薦十

二年丁丑進士出遇驃騎將軍陸宣立馬譚宣與期過倖臣

朱甯第竟不往授戶部主事歷郎中監太倉尚書侯觀欲私

概人不可監兌南直隸杖金壇知縣任田其同年進士也成

化來鹽法改折商中鹽輸銀戶部以次給引有數世候支者

黠商潛賄計曹通于內閣中貴人祈四朝鹽引偕發拱辰獨

抗言國家鹽法有故四朝皆發則成化宏治鹽壅不行鹽壅

不行則利入微利入微則商不懷失信商人虧折國賦非細

事也拱辰一日去位則惟諸公眾不能奪大同軍叛殺巡撫

張文錦方議撫拱辰獨詣兵部請誅之陞福建參議會任田

起為御史構給事楊秉義劾拱辰罷歸霍韜兩疏稱張拱辰

剛毅有守吏部嗔不門跪黜之大明會典考察無贓皆得舉

無終身廢棄之令也乞召拱辰竟不起拱辰剛直急人之難

見不善必叱之太史蕭與成道病疫即相知弗恤也拱辰調護病甦乃去知縣曾俊為人誣訟友人梁主事喬升受金言于藩司罪俊拱辰俟藩司送喬升出指罵之曰以順汝欲子孫丐耶元哲冤誰不知者不解驂又下石如良友何以順喬升字元哲俊字也居官十餘載不增尺寸產晚節益堅有獻百金請關說者託族子以聞屬拱辰耘瓜族子示顧金曰有貨如蛤何苦耘瓜為拱辰曰吾瓜大如蛤也妻子不能給韜乃割寺田周之御史陳聯芳表其里曰清白據郭通志順德志修王鳳靈字應時正德十一年丙子偕兄鳳儀舉于鄉俱從吳姓明年丁丑鳳靈登進士授刑部主事疏復王姓鳳靈生有異質日誦數萬言終身弗忘為文章以氣勝起家比部郎年甫弱冠乃明習法律如老吏宦官張銳都督錢安等罪當死

詔減戍且許贖金諸法吏咸愕然鳳靈獨疏論之其畧曰此等非逆瑾爪牙則錢甯羽翼非交通宸濠則結好江彬蓋必誅之賊也今以賄囑轉移聖慮臣恐奸雄俟釁皆將謂私交可無誅亂政可不殺而獄可賄鬻肆無忌憚天下之毒可勝言哉疏奏竟論如法給事中陳洸罪有顯狀世廟以議禮故庇之鳳靈奏言曰議禮者自議禮犯罪者自犯罪何得援此以掩彼也臣聞先朝開國靖難及諸迎立元勳豈無寵利動觸刑章即如議禮諸臣深繫聖心而或處極盈之會犯不韙之科陛下亦將與眾棄之而不得私如洸之罪又奚待而持不決之疑乎諸曹咸為悚然出為襄陽太守以母喪歸服闋補淮安淮稱劇郡鳳靈至問民疾苦清徭賦擊豪滑數十輩更創郡縣關龍溪書院廣徵屬邑士與肄校其文藝刻曰同



文錄又引淮水入泮以開科第之祥淮多水患鳳靈首疏五事以疏泄重農為先又因頻歲旱蝗連上秋災夏蝗等四疏請蠲秋糧雜賦出餘鹽銀數千以賑民復疏停馬價懇惻數千言民賴以甦嘗鑿淤河辨疑獄緝治巨盜在淮五年擢陝西學憲淮人即龍溪書院祠祀之未抵陝遭謗歸起補霸州兵備佐翟相行九邊督城沙河議省費忤柄臣留五載始遷廣右大參欲赴忌者以考察罷之鳳靈性伉直好激論天下事以此多忤人其文章名高于時所著有淮陽稿及諸奏疏字宗王右軍人珍慕之今淮諸生稱曰筆峯先生鳳儀亳州學正子一貫舉鄉試亞魁

據阮通志修

謹案阮通志云王鳳靈兄弟姓名並不見于順德志及各志選舉中惟考進士題名碑正德丁丑二甲則

有王鳳靈福建興化府莆田縣籍不知金志郝志從何闕入此傳仍存俟考

何彥字善充馬甯人正德十四年己卯舉人署惠安縣教諭登嘉靖十四年乙未進士授行人擢南京戶科給事中武定侯郭勛請復置長陵鎮守太監彥疏言鎮守之害非祖宗法事得寢吏部尚書許讚徇私劾法劾之禮部尚書嚴嵩宣淫納賂又劾之出守衡荆時遼王縱恣數害吏莫敢言而諸王歲祿不繼每升堂諫諍彥在郡無譁者荆當岷江下流分數道以殺其勢權貴人欲掩其一為利彥獨執不可擢憲副治荆岳改貴州尋陞甘肅行太僕卿乞歸遂不出彥長者于物無忤居里中恂恂如也晚築定性澄心樓靜坐其間時從學士講學賦詩當道重之年九十卒祀鄉賢祠子兆湖萬曆七

年己卯鄉薦國子監學正

據郭通志修

羅萬里字一鵬大良人少充邑諸生與弟萬程友愛男女四十口共爨無間言父喪哀毀廬墓知縣曾仲魁袁鉞吳寵並表其門母卒萬里過哀而沒御史楊以誠復旌之崇禎十五年御史柳寅觀風旌曰嶺南孝子子孫即其廬為廟在錦巖西麓同邑關祺祖亦與弟祺穢祺和友愛尚書張泰為賦脊令歌贈之孫啟東守其訓三世猶同居云據順德志郭通志修  
張纓字廷弁弟綱字廷文鷺洲人兄弟孝友敦樸好古執親喪循禮節既葬偕廬塚上蔬食三年署縣宋邦俊以孝義表之纓初為弟子員服闋遂恬退或勸以科第纓曰仕以為親親沒奚為苟省身克已足報矣督學魏校檄纓復學補廩應試皆辭免終身不至城郭學使張希舉親書樂道之門獎之

綱好行義歲歉輸粟助賑為族里倡巡按郭文周知縣方攸躋以尚義扁彰之邑請鄉飲至再終辭不赴兄弟並出湛若水門竊窺白沙要旨欽欽翼翼君子謂二難云據金通志修以上順德

南海李徵爵分纂

南海梁起初校

番禺金佑基再校

番禺史悠泰三校

順德羅槩四校

廣州府志卷一百二十一終

